



Promotim Seif na Strongpela Sosaiti bilong yumi olgeta!



Ramu Nikel MoA mas senis: papagraun

Paul Zuvani i raitim

BIKNEM Ramu Nikel prosek long Madang Provins i no inap go het inap long MoA i gat rivyu o glasim gen na i senis, 4-pela papagraun we prosek bai kamap long em i tok.

MoA em Memorandum ov Andastending o wanbel pepa namel long ol lain i stap insait long prosek.

Ol papagraun Toby Bare (Kurumbukari), Lima Mullung (Bassamuk), Simbeng Saut (Kostel paiplain) na Lemek Kukuwara (Inlen paiplain) long dispela wik i tokim Wantok Niuspepa olsem ol wok kamap nau we prosek i stap na bai kamap long em i rong.

Ol i tok aninit long tok orait namel long nesanel gavman

na Saina Metulejikel na Konstraksen Kampani (MCC) ol rivyu i mas kamap bihain long 4-pela yia. Tasol dispela i no kamap.

Na namba wan MoA i kamap long 2000 na rivyu i mas kamap long 2005 tasol dispela i no kamap.

"Wanem samting kampani i mekim long dispela taim i kalapim taim na i rong. I nogat luksave long wok bilong ol.

"Mipela i no inap long larim dispela prosek i go het inap long MoA i senis na gavman i givim luksave na kisim mipela tu long ol toktok bilong divelopim dispela prosek," ol i tok.

Moa stori long PES 3

K79
Mobile
Madness!



**Motorola C139
only K79!**

**Offer valid while
stocks last!**

**Available on prepaid.
Visit your nearest
Digicel dealer today!**

Digicel
Expect More. Get More.

Buai, em kalsa,
Buai em mani,
NA HET?

AS BILONG SIK: Insait long bikpela bung bilong ol dokta na savemanmeri bilong marasin i kamap long Mosbi dispela wik, i gat planti toktok long kamapim lo bilong putim tambu long kaikai buai bikos ol dokta i tok buai tasol i save kamapim planti sik kensa. **Lukim stori long PES 3**

Insait:



**Lukim ol SP Gems poto
insait long pes 14 na 15**



Brian Bell Kampani igat ol kain kain masin blong wok didiman long Papua Niugini. Mipela igat fetilaisa marasin tu na ol seeds blong ol kaikai na kumu long gaden olsem kebis, letis, anian, brocoli, tomato na planti arapela moa.

Brian Bell Kampani luksave olsem wok didiman em bun blong ol bikpela lain pipol long asples PNG. Mipela helpim na strongim dispela wok didiman longpela taim tru ikam inap nau tu.

Mipla sapatim wok didiman long Papua Niugini long gro bikpela



Brian Bell
Shop with a friend

Temu strongim MRA wantaim K18m

Paul Zuvani i raitim

MINEROL Risoses Atoriti (MRA) nau bai kisim K18 milien long Nesenel Baset long mekim wok bilong em. Na em bai wanpela bilong ol tripela bodi aninit long Maining Minista.

Deputi Praim Minista na Minista bilong Maining Dokta Puka Temu i tok long dispela long taim em i tokaut long wok em MRA bai mekim.

Em i tok dispela long opis bilong Maining Dipatmen long Mosbi long Tunde dispela wik.

MRA i bebi bilong Gavman em NA i go pas long em. Atoriti i kamap bilong stap na bai mekim wok em Gavman i makim bilong em long mekim, Dokta Temy i tok.

Em i tok Atoriti bai kisim poin 5 (.5) pesen levi long mani em wan wan ol maining kampani i kamapim long em.

Dokta Temu i tok MRA i bin kamap bihainim Ekt em Gavman i tok orait long wanpela kibung bilong Palamen long

2005.

"Na mi bai suvim Gavman long em i mas skruim yet wankain baset em i makim long givim long ol taim i kam.

Nem bilong Maining Dipatmen nau i senis na i stap olsem Dipatmen bilong Minerol Polisi na Geohazards Menesmen (DMPGM).

Aninit long dispela nem Dipatmen i gat tripela bodi-Maining Dipatmen, MRA na Maining Kaunsil.

Wok bilong Maining Dipatmen em bilong kamap wantaim ol polisi na mekim ol wok painim aut long ol hap we ol hevi bilong graun i ken kamap isi olsem maunten paia.

Na wok bilong Atoriti em bilong karim aut ol polisi em Dipatmen i mekim.

Wok bilong Maining Kaunsil em bilong Komiti bilong Maining long tok-save long Minista long wanem samting i mas kamap o i kamap long Dipatmen.

Hevi bilong lukautim gut ol risos long PNG em wanpela bikpela hevi.

Kamap bilong kantri soim kain lida em gat

Paul Zuvani i raitim

KAMAP bilong Papua Niugini (PNG) i makim kain ol lida em i gat long en.

Sapos gutpela ol lida i stap em i kamap gut na sapos ol nogut lida i stap kantri bai go bagarap.

Gavana Jeneral Gren Sief Sir Paulias Matane i tok taim em i opim kibung bilong Lidasip PNG grup long Crowne Plaza Hotel long Mosbi, long dispela wik Tunde.

Em i tok wok bilong lidaman em long lukim grup em i go pas long em i gat gutpela bodi (helti), dispela grup inap long mekim na kamapim ol samting na famili i stap strong.

"Salens bilong PNG long tude em long em i mas gat ol gutpela na strongpela lidaman," Sir Paulias i tok.

Lidaman em i man na mipela olgeta wan wan i lida long rait bilong em na wanem samting em mipela i mekim i gat mak long laip bilong narapela tu, em i tok.

Em i sori long lukim na harim olsem tok lidaman long PNG i save go wantaim tingting bilong pasin korapsen.

Em i tok gutpela oda i ken kamap long PNG tasol bikos long sampela samting i no stap na dispela i lukim kantri i no kamap bikos long rait lida i no stap.

Namba wan samting em sistem bilong skul i mekim we planti tok i kamap long skul mangi i mas kisim save. Nogat tok long pikinini i lainim pasin na wei bilong stap gut na mekim wok long famili na komyuniti.

Namba tu samting



GO OLSEM: Dame Carol (raithan) i soim rot long Sir Paulias long opim bilong Lidasip PNG bung.

Poto: PAUL ZUVANI

em PNG i gat planti tok ples na kalsa na dispela i mekim wan wan ol komyuniti i gat mining bilong lidaman. Sapos olgeta i gat wankain mining dispela bai helpim ol long rot bilong stap.

Namba tri bikos long sosel na ikononik stap bilong ol manmeri. Sapos ol i gat ol samting we i sapatim laip ol

bai stap gut. Namba 4 em nogat inap namba bilong ol meri long go pas long mekim ol samting.

Long wankain taim Memba bilong Mosbi Saut Dame Carol Kidu i tok ol politisen i no save kirapim kantri tasol.

"Mipela i mas lainim pasin bilong kamap lidaman long olgeta

hap bilong sosaiti," Dame Carol i tok.

Mipela i mas kamapim kain spirit we ol manmeri i pilim olsem wanem samting em ol i mekim i tasim laip bilong narapela tu. Na olsem mipela i mas pilim papa long olgeta pasin bilong mipela, em i tok.

Em i tok trupela lida em man o meri we i save putim yau na harim tok bilong ol man.

"Mi sori olsem taim mipela i tok long wok developmen mipela i no givim inap taim long skelim tingting long wanem hap em mipela i kam long em," Dame Carol i tok.

Dispela lidasip kibung em Ledi Mina Siaguru, Robert Igara, Mel Togolo, Goiye Gileng na Peter Aitsi bilong Lidasip PNG grup i go pas long em.

Singirok salensim Fairweather

BIPO ami komanda Mesa Jenerel Jerry Singirok i tok long pasin giaman i as bilong tok long em i kotim Memba ilekt bilong Sumkar Open, Ken Fairweather.

Em i tok wantaim giaman tok Fairweather i givim ol grismani long paulim tingting bilong ol vota long votim em.

"Larim mi toksave long 37,500 ol vota na 70,000 ol manmeri bilong Sumkar olsem bai i nogat Fri Edukesen long narapela ol yia i kam," Mesa Jeneral Singirok i tok.

Planti ol papamama

wantaim ol bilong mi long bipo i bin wokhat long salim ol pikinini bilong ol i go long skul na nau bai hat long kain giaman tok i kamap long paulim tingting bilong ol, em i tok.

Em i tok ol papamama i bin tuhat, bun tait, aiwara i go daun na ol i mekim wok wantaim tru tru bel na i no bin wet long gavman i baim skul fi bilong ol.

Singirok i go long Kot long Waigani Nesenel Kot las wik na putim kot bilong em.

Em i lus long Fairweather long 57 vot

tasol. Planti tok pait i wok long kamap long planti ol sia long ol ilektoret long olgeta hap bilong kantri.

Planti ol tok pait i go stap long ai bilong kot, ol i kolim kot ov disput-ed ritens, na kot bai skelim sapos ol kros bilong ol kendidet i komplek i stret o nogat.

Long taim bilong ilek-ken askim i bin go long lilektoret Komisina Andrew Trawen long sampela ol hevi i wok long kamap, na em i bin tok rot long bihainim em long go long kot.

Polye laik kamapim trenspot fan

GAVMAN bai kamapim Trenspot Fan long helpim long stretim na kamapim ol rot long kantri.

Trenspot Minista Don Polye i tokaut long dispela long taim em i tok long plen bilong em long mekim ol wok long las wik.

Polye husat i Minista bilong Sivileviesen na Woks tu tok taim bilong tok politik i pinis na nau em i taim bilong mekim wok.

Long kamapim Trenspot Fan em i tok em bai wok bung wantaim ol arapela Dipatmen olsem Tresari na Fainens long kisim mani na putim mani long dispela fan.

Ol arapela samting Polye i tok long mekim em long stretim rot namel long Lae na Nadzab long Morobe Provins, wokim rot long Morobe na Sauten rijen i kam long Sentral na Galp Provins bai rot i op long Mosbi Siti.

Ol narapela em long opim rot namel long tupela ls na Wes Nu Britan provins, Bogenvil ring rot, Nu Ailan Buluminski Haiwe na ls na Wes Sepik Haiwe.

Long stretim ol ples balus Polye i tok bipo long dispela Krismas em i laik lukim olsem ol bikpela ples balus i kisim luksave (setifai) long stap olsem ol ples balus i mas i gat long

em. Mi laik lukim ol ples balus olsem Nadzab, Tokua long ls Nu Briten na Gurney, Polye i tok taim em tok Wewak i kisim luksave pinis long stap olsem Intanesenel ples balus.

Em i tok long kantri i gat mani na kamap gut em i mas mekim ol wok trenspot bilong em pastaim.

Sapos dispela ol samting i no kamap Gavman bai hat long bringim sevis i go long ol pipel. Moa yet ol pipel bai painim aut long salim samting bilong ol, em i tok.

- Paul Zuvani

Cloudy Bay
SUSTAINABLE FORESTRY LTD
YOUR NATURAL CHOICE
(A subsidiary of PNG Sustainable Development Program Ltd.)

Manufacturer of Quality PNG Hardwoods

Website: www.cloudybaytimber.com.pg
Email: marketing@cloudybay.com.pg

P.O. Box 120, Port Moresby, NCD,
Ph: 325 4865/ 328 1189/ 328 1193
Fax: 325 3489

Ramu Nikel MoA mas senis

I kam long pes 1.
 Wanem samting i kamap sapos i gut-pela o nogut long em em mipela bai pilim long em na olsem mipela i mas stap insait long ol toktok tu, ol i tok.
 Mipela i no inap long sindaun long sait na lukluk tasol taim gavman na divelopa i

mekim ol wok, ol i tok. "Dispela i graun bilong mipela na mipela i gat rait long toktok," ol papagraun i tok.
 Ol i tok planti ol hevi we i stap bipo we ol i toktok long ol pinis i stap yet namel long ol na Saina Metulejikel na Konstraksen Kampani (MCC).
 Ol Saina wokman i

no save yet long Tok Pisin na Inglis. Ol Saina i wok long mekim ol wok olsem draivim kar, bulldosa, wok kapenta na ol arapela wok em ol lokol wokman inap long mekim.
 Ol i tok Madang Provisnel Gavman husat tu em nesanel gavman i no bin kisim em tu long stap insait

long MoA i sapatim ol tu.
 Madang Gavana Sir Arnold Amet i bin kisim ol i kamdaun long Mosbi long dispela wik long lukim Maining Dipatmen tasol bikos long em i gat kibung wantaim ol opisa bilong em long provins i go bek.
 Tasol i tok olsem long pinis bilong dispela wik o long narapela wik gavana na ol papagraun bai bungim Maining Minista Doka Puka Temu na ol opisa bilong dipatmen na tokaut long hevi bilong ol.
 Lukluk bek long stretim Ramu Nikel prosek MoA i wanpela bilong ol namba wan samting em Sir Arnold i tok em bai mas mekim taim em i staitim ol wok bilong em na em i bihainim tasol dispela toktok.



HEVI DUTI: Wok maining, hatpela wok. Fail Poto

Ol skul pait na pasin kalt mas pinis

...Edukesen dipatmen bai kamapim polisi long daunim jeneresen sistem

Veronica Hatutasi i raitim

EDUKESAN Dipatmen bai kamapim wanpela Nesanel Polisi long Jeneresen Kalt na ol arapela hevi i sut long "Behaviour" o karamapim tu pasin bilong pait namel long ol skul.

Dairekta bilong Gaidens Divisen insait long Edukesen Dipatmen, Gabriel Meapa i tokim Wantok Niuspepa olsem bihainim hevi bilong jeneresen nem na kalt sistem na pasin bilong pait ol sumatin bilong wanpela skul i wokim wantaim ol dispela bilong narapela skul.

Mista Meapa i tok Gaidens Divisen nau i mekim ol wok redi long holim dispela bikpela bung we Edukesen Dipatmen i askim ol patna bilong em olsem ol sios na ol narapela stekholda long sindaun na toktok, painim ol as long jeneresen nem na kalt sistem na ol pait namel long ol skul i kamap, rot we ol i ken daunim ol, kisim ol data o rekot ripot long mekim samting nau long daunim hevi.

Bihain long kisim ol toktok na data long dispela bung, Edukesen Dipatmen bai i gat polisi o lo long jeneresen nem na kalt sistem, olsem tasol long sik AIDS na long dispela rot, bai i gat rot long skul na dipatmen i ken gat rot long bihainim long daunim," Mista Meapa i tok.

Em i tok jeneresen nem na kalt sistem em i stap long olgeta hap bilong wol na PNG i wok long lukim dispela nau.

Em i tok tu olsem pasin bilong ol sumatin long wanpela skul i pait wantaim ol dispela bilong narapela skul i kamap long olgeta hap bilong wol tasol nau i kamap pinis long PNG. Na dispela tupela samting i wok long bagarapim planti skul sumatin na olsem, Edukesen Dipatmen i laik wokim samting long daunim.

Jenresen nem na kalt sistem i bin stat long Passam Nesanel Hai (NHS)skul long 1984 na bihain Keravat NHS i bin kisim. Bihain long yia 2001, ol sekonderi skul olsem De La Salle, Marianville na Malala i bin lukim dispela samting i go insait long ol skul bilong ol.

I kam inap nau, dispela pasin i go long ol sampela praimer skul.

Mista Meapa i tok trupela dai i kamap pinis bihainim dispela jeneresen nem kalt sistem.

Em i tok bilong wanem em i kamap long ol Katolik skul em bikos ol skul ya i save gat pasin marimari long givim sekon sans na kisim ol sampela sumatin we ol i trenferim ol i kam long ol skul olsem Passam na Keravat we sistem i stap pinis long em.

Em i tok tu olsem narapela as em i gat hevi long famili na ol sumatin i save painim grup olsem jeneresen nem kalt sistem long painim gutpela lukaut na sekyuriti i no stap insait long ol famili yunit we i bruk na bungim hevi.

Em i tok pasin bilong ol sumatin bilong wanpela skul i pait wantaim narapela em i sut wantaim dispela jeneresen nem kalt.

"Sapos wanpela sumatin bilong wanpela grup em ol narapela skul i tasim o paitim, em nau, ol grup bilong em long skul bai helpim em na pait.

"Ol dispela samting em mipela i luk-save olsem i kamap long ol narapela hap bilong wol.

"Mipela i mas painim as long "bullying" o pait namel long ol sumatin, sanapim kontrol menesmen, pasin prensip na sumatin lidasip kos," Mista Meapa i tok.

Long wankain taim, Edukesen Minista, Doka Joseph Pagelio i tok Edukesen Dipatmen i no laikim pait pasin namel long ol sumatin bilong ol wan wan skul bikos em i egensim ol gutpela pasin we ol tisa i skulim ol.

Doka Pagelio i tok ol dispela pasin i soim kain sindaun we sosaiti i stap long em na olsem, komyuniti na sosaiti i mas wok bung wantaim Edukesen Dipatmen long painim rot bilong daunim.

"Mi wari long ol dispela samting i wok long kamap na bagarapim planti sumatin long ol skul na yumi mas wok wantaim ol edukesen patna bilong yumi long painim rot long daunim ol dispela hevi," em i tok.

PNG mas bosim pasin bilong kaikai buai

Veronica Hatutasi i raitim

KAIKAI buai em i wanpela bikpela hevi long oral helt o ol sik long maus, kensa long maus na ples i doti long Papua Niugini (PNG), na PNG i mas wokim samting nau long bosim dispela, namba 43 bikpela bung bilong ol dokta, ol medikel saientis na ol medikel helt woklain ol i kolim long Medikel Simposium i wok long kamap long Mosbi long dispela wik i harim.

Kaikai buai em i stap olsem bikpela helt kea na haijin hevi long Mosbi na PNG. Em i kamap bikpela hevi tu long sait bilong haijin na ples i doti long Mosbi siti. Doka Frank George Smyth i tok.

Kantri i mas lukluk strong nau long bosim kaikai buai long PNG bikos em i wanpela bikpela as long ol oral helt na kensa long haus sik long PNG,

pastaim Sief Sejen (doka bilong katim man) long Pot Mosbi Jeneral Haus Sik na paionia doka long sik bilong het na nek, Doka Smyth i tok.

Presiden bilong PNG Medikel Sosaiti, Doka Mathias Sapuri i bin sapatim toktok long bosim kaikai buai long PNG we Doka Smyth i wokim na em i skruim tok moa yet long stopim olgeta kaikaim buai long kantri bikos em i kamapim ol bikpela helt hevi na TB tu.

Nesanel Kapitel Distrik Gavana, Powes Parkop i luk-save long hevi bilong buai long sait bilong bagarapim helt na haijin long Mosbi siti na kantri na o tok yumi olgeta i mas wokim samting long daunim pasin bilong kaikaim buai.

Em i tok em bai i no isi tasol i mas gat ol edukesen aweanes long skulim pipel long bosim kaikai buai.

Em i tok NCD Helt Divisen

bai kamapim wok patna wantaim ol medikel helt kain long kisim ol profesenel advais long kaikai buai na sait bilong helt na haijin.

Narapela biknem dentis doka husat i bin wok moa long 40 krismas long PNG na nau em wok Dental Divisen, Skul bilong Marasin na Helt Saiens long Yunivesiti bilong PNG em Doka John McIntyre, i tok insait long neks 20 yias, kaikai buai bai kamapim bikpela hevi long oral helt long PNG na moa yet, bikos ol liklik pikinini tu i wok long kaikai buai.

"Ol yangpela pikinini krismas bilong ol i stat long 3 na 5 yias i wok long kaikai buai. Na dispela em i bikpela hevi long oral kensa, em i tok.

Olsem na PNG i mas wokim samting nau long daunim hevi long kaikai buai stat long ol pikinini na ol bikpela man, Doka McIntyre i tok.

FATHER'S DAY SPECIAL

K30.00

Home Handyman Set (12 pieces)

K195.00

Home Mechanic Tool Kit (79 pieces)

K40.00

Homeowners Tool Kit (21 pieces)

K95.00

28 Pieces Metric Socket Set (8mm-32mm)

ALL PRICES INCLUDE GST

PORT MORESBY | LAE | PORGERA | MT HAGEN | MADANG | KIMBE | RABAU | VANIMO | HONIARA

Noken bihainim ol memba olsem anis

James Kila i raitim

BIPO primia bilong Isten Hailans provins na nau provinsel asembli memba Walter Nombe i tromoi dispela toktok long ol pipel na sapota bilong ol memba long noken bihainim ol olsem 'anis' o blu lang.

Mista Nombe i bin mekim dispela bikpela toktok long wik i go pinis taim em wantaim ol provinsel asembli memba na Isten Hailans pablik sevans na ol advaisa na pablik i tok welkam long ol memba bilong palamen bilong Isten Hailans long Goroka.

Dispela welkam sere- moni i bin kamap long fran bilong Yanepa

provinsel gavman haus we i lukim Gavana Malcolm Smith Kela, John Boito (Obura- Wonenara), Bonny Oveyara (Okapa), Ferao Orimyo (Henganofi), Thompson Harokaveq (Goroka) na Sailon Beseo (Kainantu) i bin givim toktok bilong ol namba wan taim long fran long ol pipel long Goroka.

Ol arapela memba bilong palamen bilong EHP husat i no stap em Yawa Silupa (Lufa), Benny Allan (Unggai- Bena) na Kondo Patrick (Daulo).

Mista Nombe i tokaut olsem Isten Hailans planti taim i save lukim ol sapota bilong ol nesenel memba i

bihainim ol olsem blu lang stret taim ol memba ya i kam long balus o i laik raun na mekim wok bisnis bilong ol.

Em i tok dispela pasin long bihainim ol memba nating nating i mas pinis. Sapos ol pipel i gat ol gutpela tingting long developmen long distrik tasol, orait ol i mas go lukim memba long taim bilong wok.

Em i tok pasin bilong ol man long go na askim long mani long baim kofin o bokis bilong putim dai man na baim skul fi bilong ol pikinini bilong ol i mas stop.

Em i tok ol memba em ol lida em planti ol pipel i votim ol long



BIHAINIM OLSEM BLU LANG: Ol pipel bilong memba i bung long lukim memba bilong ol long Goroka taun. Long dispela taim memba i tokim ol stret ol pasin bilong bihainim memba na go askim mani long baim kofin na kainkain samting mas stop nau.

Poto: JAMES KILA

sevim ol long ol bikpela developmen projek we planti bai i ken kisim sevis long en.

Em i tok ol memba i no bilong ol liklik lain husat i laik kisim ol samting long sevim ol yet na liklik lain bilong ol tasol. Dispela pasin bilong bihainim ol memba nating olsem anis o blu lang i mas stop olgeta sapos ol i laik lukim sevis i go

insait long ol ples bilong ol. Narapela bikpela tok- tok Mista Nombe i mekim em taim em i tok olsem kain pasin bilong

ol pipel long bihainim ol memba olsem blu lang i save mekim ol memba i pret na sampela i no laik go bek long ol dis-

trik bilong ol. Taim dispela i kamap ol gutpela sevis lida i ting long bringim i no save kamap.

Tupela ten woda skul long UOG ...namba wan diploma kos

James Kila i raitim

NAMBA wan hap grup bilong tupela ten woda bilong bilong Koreksenel Sevises (CS) nau yet i skul long mekim teknikal vokesenel trening long Yunivesiti bilong Goroka (UOG) long Isten Hailans provins.

Wanpela lonsim sere- moni i bin kamap long UOG las wik we CS Komisina Richard Sikani wantaim Ekting Vais Sansela bilong OV, Dokta James Yoko i bin givim toktok long amamasim ol dispela woda. Ol lain i kam long ol haus kalabus long PGN olsem Beon long Madang, Buimo long Lae, Baisu long Hagen, Bihute long Goroka, Boman long Mosbi na Buiebi long Sauten Hailans.

Dispela nupela diplo-

ma program kos ol woda i skul long en em namba wan taim tru long ol i kamapim bihain long CS na UOG i bin sainim wanpela Memorendum ov Agrimen sampela taim i go pinis.

Komisina Sikani long toktok bilong em i tokim ol dispela tupela ten woda polisman husat i stap long dispela teknikal vokesenel tren- ing insait long banis kalabus.

Dokta Yoko long makim maus bilong UOG i tok olsem UOG i amamas long wok bung wantaim CS long givim ol trening long ol dispela tupela ten lain woda.

Em i tok insait long dipela diploma trening program ol kos o tren- ing i gutpela na i narakain liklik bikos ol woda bai skul tu long ol

samting olsem motivesenel skul, self help, bisnis menesmen, fainens na kes menes- men.

Dokta Yoko i tok dis- pela skul ol woda i stap insait long en bai redim ol gut tru long trenim ol kalabus manmeri, husat i kamapim trabel na hevi bikos ol i ting ol i nogat wok bilong ol insait long komyuniti.

Ol i no gat skil na dis- pela i kirapim tingting bilong ol long mekim trabel," Dokta Yoko i tok.

Dokta Yoko i tok tu olsem taim ol woda i kisim ol teknikal vokesenel trening ol bai kisim bai ol i yusim long trenim ol kalabus lain husat i kisim ol gutpela skul ol woda i givim bai yusim long kamapim ol gutpela samting long helpim laip bilong ol long bihain taim.

Simbu pipel bungim ol memba

Paulias Tali i raitim

OL pipel bilong Simbu Provins inapim 5,000 samting i bin pulapim Kundiawa taun long tok welkam long ol memba bilong palamen bilong ol.

Tasol long 7-pela memba bilong Simbu, 4-pela tasol i bin kamap na bungim ol pipel.

Ol sumatin bilong Kundiawa Luteran De Hai skul i bin stap long tok welkam wantaim ol memba bilong Mobail Skwat 9 na 10 husat i bin mekim wanpela gad ov ona long nupela

gavana Pater John Garia na ol 4-pela memba.

Deputi Gavana bilong Simbu, Daniel Kunda i bin makim olgeta pablik sevan na pipel bilong Simbu olsem bihain long ilek- sen i pinis, pasin bilong wok bung i mas stap.

Em i tok tu olsem bipo gavana Peter Launa na ol pipel i no bin wok bung gut na nau nupela gavana Pater Garia i soim tru pasin bilong wok bung taim em i kamapim dis- pela bikpela welkam na amamas.

Long wankain taim

tok amams i kam tu long Katolik Daiosis Bisop Hank Thomasen husat i kisim pes bilong olgeta sios long Simbu i go long nupela gavana.

"Yu kamap bikos olgeta pipel bilong Simbu i makim yu. Tasol bikpela samting em yu mas lukluk long en, em rot na develop- men insait long wan wan liklik ples," Bisop Hank i tokim nupela gavana.

Mista Kunda i tokaut tu olsem samting olsem 148 manmeri i aplai pinis long posisen bilong gavman bilong Simbu.



PABLIK NOTIS

Nambawan Super Limited, bipo i bin wok aninit long nem POSF Limited, i laik toksave long ol gutpela memba na contributing kampani insait long Kavieng olsem wanpela tim bilong em bai raun i go olsem long Kavieng long karimaut skul na wok awenes long Suparenuesen na ol prodak na sevis bilong Nambawan Super.

Ol taim na de dispela raun bai kamap i olsem:

De: 26 - 27 de bilong mun Septemba 2007

Ples: National Fisheries College

Taim: 9 kilok moning i go inap 4 kilok apinun

Olgeta bisnis na memba i welkam tasol long kamap long dispela.

Bikos i gat bikpela namba ol manmeri i laik sindaun long dispela bung, bikpela samting em yu mas rejistaim yu yet sapos yu laik stap insait long dispela kibung.

Long kisim moa stia na toksave o long rejista yu ken ringim Employa Rilesens Opisa long telepon 309 5270 / 309 5252 o Memba Sevises long Telepon 309 5244 na feks 321 4474.

LEON BUSKENS
MANAGING DIRECTOR

OL RIPOT BILONG NAMBA 42 PNG MEDIKEL BUNG WANTAIM VERONICA HATUTASI

Kaikai gaden kaikai na eksasais moa

KAIKAI moa gaden kaikai na eksasais bai helpim yumi gat helti bodi na helti laip, Gren Sief na Gavana Jeneral, Sir Paulias Matane i wokim dispela toktok long opim namba 43 Medikel Bung long Mosbi long dispela wik.

Moa long 600 helt woklain long Papua Niugini (PNG) na ovasis i karamapim ol dokta, ol helt saientis na medikel risets lain, ol nes, ol dentis, ol dokta bilong tingting, ol leksara bilong helt na marasin long ol bikpela yunivesiti bilong kantri i stap insait long bikpela medikel bung long glasim ol bikpela samting i karamapim helt, risets wok long helt na marasin na ol arapela moa.

Bikpela samting we bung i glasim em long "Oral Helt na Sik long Het na Nek".

Oral Helt i karamapim ol sik long maus na tit.

Sir Paulias i tok em i gutpela

na dispela bung i lukluk long Oral Helt bikos long planti yia, ol atoriti long kantri i no bin bisi long Oral Helt. Olsem na long 1978 na 1985 inap nau, ol bin pasim dentis skul long PNG.

Sir Paulias i tok yumi gat planti salens na wanpela em long inapim gol long helti kantri sapos yumi senisim pasin na kaikai.

"Sapos yumi senisim pasin long kaikai, yumi ken inapim gol olsem wanpela helti kantri.

"Senisim pasin kaikai em long kaikai moa gaden kaikai, groim kumu na i no ol tin kaikai, dring kulau na wara na i no ol botol na ken dring. Na wokim eksasais yumi ken gat helti bodi na laip," Sir Paulias i tok.

Long wankain taim, Presiden bilong PNG Medikel Sosaiti, Dokta Mathias Sapuri i tok wol i go het long lukluk long hevi bilong Oral Helt tasol

PNG i stap bihain na olsem, bikpela bung bilong ol PNG dokta na helt sekta i putim Oral Helt, sik long Het na Nek olsem eria ol i lukluk long en na putim ol risets wok long en.

Dokta Sapuri i tok bikos long mani hevi, PNG i no inapim ol helt kea gol na dispela em i bikpela salens we nau PNG Medikel Sosaiti i wok wantaim ol developmen patna olsem AusAID long stretim.

Em i tok bikpela samting nau long PNG i mekim we ol arapela kantri long wol i wokim long kamapim gut klinikel kea em long trenim inap helt woklain olsem ol dentis, ol dokta bilong het, nek na ol arapela moa.

Wok bilong mipela em i no hat - kamapim gut oral helt na teseri kea long sik bilong het na nek. Na bikpela lukluk i mas go long stopim sik, Dokta Sapuri i tok.

PNG mas kamapim moa dentis

LONG helpim daunim ol Oral Helt sik long tit na maus, Papua Niugini (PNG) i mas trenim moa dokta na teknisen bilong tit.

Tu, moa skul aweanes i mas go aut long kaikai ol gutpela gaden kaikai, bagarap we kaikai long ol stua kaikai na ol ken na botol sof dring i kamapim long sik bilong tit na jenerel oral helt.

Dokta John McIntyre na Kesia Beaga bilong Dentel Divisen long Skul bilong Marasin Helt na Saiens wantaim Yunivesiti bilong PNG i mekim ol dispela toktok.

Dokta McIntyre husat i stap wok olsem dentis long PNG moa long 40 yias i bin toktok long ripot bilong sik bilong tit na oral helt long PNG namel long 1989 na 2000.

Sik long tit insait long PNG i wok long go bikpela bikos long kaikai ol kaikai bilong stoa ol i wokim long nara-pela kantri na putim long ken samting, em i tok.

Dringim ol sof dring i

helpim long kamapim ol oral helt na sik long tit i insait long PNG i go bikpela moa. Antap long dispela, ol liklik pikinini na yangpela pipel i wok long kaikai buai nau em i apim oral helt sik na sik long tit, Dokta McIntyre i tok.

Dokta McIntyre i tok ol i katim daun ol dentel helt sevis na trening long sampela yia insait long kantri i wanpela as long sik long dispela eria i go

bikpela moa.

Olsem nau na bikpela samting long gavman i wokim em long trenim moa tit dokta na ol teknikel opisa bilong helpim ol tit dokta.

Long wankain taim, Dentis Dokta Beaga i askim strong Nesanel Gavman, Helt Minista na Opis of Haia Edukesen long sapatim trening program bilong ol dentis na ol teknikel opisa.



REJISTRESEN TAIM: Ol lain i rejista yet. Moa long 600 helt woklain long PNG na ovasis i stap long bung.

Mi no inap tubel long pasim main: Basil

MEMBA bilong Bulolo Sam Basil i tok em bai nonap tubel long pasim Hiden Veli o Wafi main sapos ol divelopa i no mekim wok gut long hap.

Mista Basil bin mekim dispela toktok long Lae long las wik long wanpela bung we bin lukim ol nain-pela Memba bilong Morobe i tok promis long sevim ol pipel bilong provins.

Mista Basil i tok i no long taim i go em bin go raun long Nu Ailan provins na em bin lukim olsem maski dispela ples i gat wanpela bikpela gol main i stap nogat gutpela divelopmen i kamap long hap.

Em tok dispela i mekim em i pret na em i no laikim bai wankain i kamap long Morobe tu.

Long dispela as em,

mekim wanpela strong-pela nek i go long ol divelopa bilong ol dispela tupela bikpela main long i no lukluk tasol long rausim gol tasol na mekim mani tasol long helpim long stretim sindaun bilong ol lain long ples.

- Mina Evara

Bogia Distrik laik mekim divelopmen plen

Mina Evara i raitim

WANPELA non gavman ogenais-esen bai helpim administresen bilong Bogia distrik long Madang long kamapim 5 Yia Divelopmen Plen bilong ol.

Dispela bai i kamap bihain long dispela grup ol kolim long The Nature Conservancy (TNC) i sainim wanpela agrimen wantaim gavman bilong Madang long Mande dispela wik.

Melanesia Kantri Dairekta bilong TNC Paul Paul Lokani i tok olsem wok bilong TNC em long wok bung wantaim ol pipel long lukautim ol bus, graun na wara bilong ol.

Tasol Mista Lokani i tok tu olsem TNC i luksave olsem long mekim ol dispela wok kamap gut na long kamapim gutpela sindaun long ol ples ol i mas wok insait long ol plen we gavman i kamapim.

Em i tok long dispela as ol i amamas tasol long givim han long ol pipel bilong Bogia husat ol i wok wantaim long sampela taim nau i go pinis.

"Mipela bai no inap kamapim dispela plen tasol helpim Distrik Administreta Chapau Lilih wantaim ol wokman bilong em long mekim dispela i kamap," em i tok.

Provinsel Administreta bilong Madang Joseph Dopar makim maus bilong gavman bilong Madang i tok dispela em wanpela nupela samting we i kamap insait long provins na em welkamim na tok tenkyu long TNC.

Long wankain taim Mista Dopar i mekim strongpela singaut long ol plena bilong Bogia long kamapim plen we i no inap westim mani we gavman i givim long ol pipel bilong Bogia.

"Nau long dispela taim gavman i wok long salim bikpela mani tru i go stret long ol wan wan distrik na LLG.

"Yupela mas kamapim gutpela plen we bai lukim ol dispela mani i go long stretim sindaun bilong ol pipel long ples.

"Dispela mani em i no bilong baim ol samting bilong yupela long opis o stretim haus samting bilong yupela," em i tok.



BANK OF PAPUA NEW GUINEA

KINA FACILITY RATE (KFR)
FOR SEPTEMBER 2007

The Bank will continue to pursue a neutral stance of monetary policy with the Kina Facility Rate (KFR) to be maintained at 6.00 percent for the month of September 2007.

L. Wilson Kamit, CBE
Governor



YUMI na HIV wantaim



Fr Jude Ronayne Forde OFM

Planim man gat sik na stap laip yet

Stori nogut i bin kamap long Post Courier long Mande, Ogas 27. Wanpela meri i stori olsem em i lukim ol lain long ples bilong em, Tari, i bin planim tripela man long matmat taim ol i stap laip yet. Meri i tok, ol dispela lain i gat sik AIDS, ol i no i dai, na ol i planim ol. Sapos ol i bin mekim olsem ripot i tok - dispela em kilim man i dai - na lain i mekim olsem i brukim lo bilong man, lo bilong gavman na lo bilong God. Dispela stori i bin i go long olgeta hap bilong wol. Mi yet mi harim dispela ripot long Redio Australia na long Redio BBC. Na planti long ol arapela kantri i askim - dispela samting i tru o nogat? Bikos, sapos em i tru, PNG i gat bikipela sem tru, long tupela samting - ol i no lukautim siklain bilong ol na ol i kilim man i dai.

Dispela stori i tru o nogat? Meri i tok em yet i lukim ol i planim tripela tasol ripot i nogat de o ples o nem bilong man ol i kilim i dai. Tu, meri i mekim wanem taim em i lukim ol dispela samting nogut i kamap? Em i protes o tok bai em yet bai lukautim ol dispela sikman o go ripot long polis?

We ol i raitim stori i luk olsem planti moa i save planim ol sik lain bipo ol i dai. Ating ol lain ovasis bai ting, kastom bilong PNG em bilong planim man i gat sik AIDS hariap. Polis yet i mas painimaut dispela stori i tru o nogat.

Bikipela samting long HIV/AIDS em planti man i save pret. Pret long kisim sik long siklain save winim het na hat bilong ol. Narapela samting em husat bai helpim famili long lukautim sikman? Husat bai skulim ol long we bilong lukautim ol yet na sikman wantaim insait long haus bilong ol? Husat bai sindaun wantaim famili na toktok wantaim ol long rot bilong sikman i ken kisim marasin (marasin bilong wan wan sik na ol drags) na arapela helpim? Husat bai helpim ol long painim rot bilong bringim sikman i go kam long haus sik.

Em isi long tok - famili i mas lukautim siklain. Tasol, em hatwok tru long mekim. Gavman na Helt Dipatmen i slek tumas na ol i no inap mekim dispela wok. Olsem na, ol sios i mas mekim dispela wok - ol i kolim "Home Based Care", hom beis kea program.

Sori tru. Mi harim dispela kain stori i kamap long sampela arapela hap bilong kantri. Tasol, em bilong bipo. I no bilong nau. Ating long wan wan ples, yes, dispela pasin bilong kilim man i stap. Tasol, sapos i gat sapot long famili - Home Based Care Program - ating dispela kain samting bai i no inap kamap gen.

Wara kampani helpim skul



KATIM: Mista Inara i sanap wantaim lonmowa.

KEREA Praimeri Skul long Vanapa long Sentral Provins i bin amamas tru long kisim wanpela lonmowa masin bilong katim gras i kam long Eda Ranu, wara kampani bilong Mosbi.

Dispela lonmowa i givim bikipela amamas tru long skul bikos longpela taim tru ol i no save kisim kain helpim olsem i kam long ausait. Na tu hevi bilong katim gras long skul em bikipela samting long ol long longpela taim i kam nau.

"Ol skul pikinini i save tro-moi sarep olgeta taim long katim gras na han bilong ol i save sua na tu ol save bungim birua long ol posin snek ol kolim Papuan Blek. Dispela posin snek i planti tru long hap bilong mipela na mipela save pret long dispela birua," Hetmasta bilong skul Fred Gumita i tok.

Em i tok skul i kisim wanpela helpim i kam long gavman long strongim ron bilong skul stat yet long 1994 ol bin statim skul.

Eda Ranu i save traim long strongim pasin poroman wantaim ol manmeri na grup long kain pasin bilong givim sampela kain helpim olsem.

Em i save strongim pasin poroman na wok bung wantaim ol papagraun bilong Koiari we wara i kam long en na kampani i save kisim na yusim long saplaim Mosbi siti.

Tasol nau ol i klia olsem Kerea em hap bilong ol Koiari tasol em stap daunbilo long nambis.

Mausman bilong ol Koiari long Eda Ranu bod, Peter Inara i tokim ol skul sumatin na ol tisa long lukautim gut dispela masin bai em i ken helpim ol long lukautim gut skul graun.

Antap long dispela helpim, skul i askim Eda Ranu long salim ol wokman bilong ol long go sekim wara saplai bilong ol bikos ol i pret long dringim dispela wara long wanem, ol save lukim waitpela das aninit long as bilong sospen o gumi ol pulapim wara long en.

Ol tisa sindaun long bung bilong sik AIDS

Paulus Tali i raitim

MOA long 20 deputi het tisa long ol skul long Sinasina, Simbu Provins i bin sindaun long wanpela HIV/AIDS bung o woksop bilong kisim save na skulim ol sumatin long banisim dispela sik nogut.

Dispela bung we i bin ron long Ogas 20 na pinis long Ogas 24 i bin kamap long Ku Praimeri Skul long Sinasina Distrik.

Mary Nige husat em i wanpela tisa long Dinima Praimeri Skul i tok em i amamas olsem ol edukesen atoriti long Simbu i kamapim dispela woksop long

helpim ol tisa na skulim ol sumatin long save moa long dispela sik nogut na abrusim rot long kisim dispela sik we inap long bagarapim laip bilong ol yangpela bilong tude na bihain taim.

Yunaitet Nesens Pikinini Edukesen Fan (UNICEF) i bin wok wantaim Simbu Edukesen na kamapim dispela woksop na man husat i bin makim UNICEF long bung, Chaundry Harry, i tokim ol tisa olsem ol i gat bikipela wok long wok klostu wantaim provinsel gavman na ronim kain bung olsem long helpim ol yangpela na olgeta narapela manmeri i kisim save long abrusim sik AIDS.

Kaikai bilong tingting



TENKYU: Wanpela sikman i kisim kaikai bilong em. Foto: Nicky Bernard

..Ol lain wantaim sik long tingting kisim helpim

HAUS SIK i save lukautim ol manmeri i gat sik long tingting em Laloki Saikaiatriks o Mentol Haus Sik ausait long Mosbi i bin laki stret taim tupela grup i givim helpim long kaikai long ol.

Foti-faiv (45) yangpela sikman long Laloki i bin amamas long kaikaim narapela kaikai long belo taim las wik Fraide taim Saniterium Operesen Fud Fo Laip Ministri (SOFFLM) na ol Sariti Sista bilong Sen Michael Katolik Peris long Hanuabada i bin go long Laloki na givim kaikai long ol. Ol SOFFLM lain i bin kisim

ol gutpela kaikai long helpim givim strong na gutpela blut olsem kon fleks, rais babel, wit biks, milk, sof dring na ol Sariti Sista i bin givim ol aiskrim, krim bans, sof dring, milk, na twistis samting.

Mary Itamai husat em i wanpela nes long haus sik i tok dispela em namba tri yia long SOFFLM long kam givim dispela kain helpim i go long ol siklain. Na ol Sariti Sista em tupela taim insait long wanpela yia em ol i save go givim kaikai long ol siklain.

Man husat i bin kirapim bilong SOFFLM, Dennis Perry i bin kam long Laloki long givim ol kaikai i tok em i kirapim dispela ministri insait long kampani na sios (Seven De Ewentis) long helpim ol komyuniti maski long wanem tokples, sios, kala na kantri we i sot long samting.





STORI TASOL



wantaim

FR. PAUL LIWUN, SVD

Bodi na spirit

Wanpela papa i bin go long wanpela bung long skul bilong pikinini bilong em. Bihain long bung em bin toktok wantaim tisa bilong pikinini bilong em na em bin kraik bikipela tru.

Em i tokim tisa olsem pikinini boi bilong em i no stap wantaim em moa. Tasol em i laikim em tru olsem na em i baim skul fi bilong em yet na em i laik save long em i wokim olsem wanem long stadi bilong em.

Em i bin tokim tisa olsem meri na 4-pela pikinini bilong em i bin lusim em bikos olsem wanpela bilding kontrakta, em i no save stap tumas wantaim famili. Olgeta de em i save wok inap long 16 o 18 awa. Taim em i go bek long haus, meri na pikinini i save slip pinis.

Em i tokim tisa olsem em bin traim hat long mekim na baim olgeta samting long mekim ol i amamas, tasol nogat. Tasol em i luksave olsem ol i laikim em long stap wantaim ol long de na nait na givim ol laik pasin na sapot.

Dispela em i wanpela stori bilong soim man o meri i save tingting planti tumas long wok na i lusim tingting long famili bilong ol o lusim tingting long spiritual laip bilong ol. Yumi nau i stap long wanpela modern sosaiti we planti bilong yumi i save lusim balens bilong spiritual laip na material laip bilong yumi.

Mi laik soim wanpela rot bilong helpim yu long kirapim gen spiritual laip bilong yu na mekim em i balens wantaim fisikel laip bilong yu. Yu ken traim sapos yu laik.

Yusim tripela minit long wokim eksasais long nait bipo yu laik slip.

Namba wan minit: Sindaun long bet, sarap tasol na tingim gen wanem samting i bin mekim yu pilim amamas tru long dispela de. Sapos yu painim pinis; toktok wantaim Jisas. Yu pinisim namba wan minit wantaim long tok tenkyu long Jisas.

Namba tu minit: Yu tingim long wanem samting i bin mekim yu i no amamas tude. Kisim wanpela bilong ol wanpela samting bai kirapim pilim sori insait long bel bilong yu. Autim dispela samting long Jisas na askim em long pogivim yu.

Namba tri minit: yu lukluk i go long wanem samting bai kamap tumora.

Tingim long wanem kain hevi gutpela tingting na strongim yu long kamap strong.

Gutpela kaikai ministri laik strongim bodi

Veronica Hatutasi
i raitim

GIVIM gutpela helti kaikai long ol tarangu em wanpela wok we Operesen Fud for Laip Ministri (OFFLM) i karimaut insait long Pasifik.

Wantok Niuspepa i bin toktok wantaim man husat i bin kirapim OFFLM, Dennis Perry long las wik taim ministri bilong em i bin stap long PNG long wanpela wik we ol bin givim kaikai long moa long 20,000 manmeri long Mosbi.

OFFLM i bin go na givim kaikai long ol skul olsem Hagara na Ooro na Hohola Demonstresen Praimeri,

Caritas Sekonderi, Pot Mosbi Grama Skul, Cheshire Hom Hafwe Haus, Baruni Pipia dam, Pot Mosbi Jenerel Haus Sik, Laloki Mentol Haus Sik, Anglikea na ol kalabus lain long Bomana.

Toktok bilong Jisas i stap long Matyu Sapta 25 Ves 35 i tok; "Mi bin hangre na yu givim mi kaikai, nek bilong mi i drai na yu givim mi wara na yu no save long mi tasol yu kisim mi long slip long haus bilong yu" i givim bikipela tingting long Mista Perry em Menesa bilong Saniterium Helt Fud Kampani bilong Australia long kirapim wanpela helpim givim

kaikai operesen ministri.

"Mi bin stap long wanpela bisnis wok-about long Tonga, wanpela liklik ailan kantri long Pasifik taim mi harim singaut bilong Bikipela na mi kirapim dispela OFFLM Ministri long pipia dam hap long Tonga," Mista Perry i tokim
Wantok Niuspepa.

Insait long 9-pela yia mi kirapim ministri, dispela em namba tru yia mipela i kam long PNG. Mipela i karimaut program long Tonga, Kuk Ailan, Kiribati, Fiji na PNG, em i tok.

As tingting mi kirapim program em long helpim ol tarangu aninit

long ministri, maski ol i bilong wanem lotu, skin kala, tokples na politikel bilip, em i tok.

Mista Perry i tok olsem long karimaut dispela wok, ol i kirapim tingting bilong pipel long mekim volanteri wok long helpim ol komyuniti husat i stap tarangu. Na wantaim ol helti kaikai mipela i givim (olsem ol wit biks, raus babels, kon fleks na ol arapela sirieli kaikai na susu samting) long helpim pipel i gat gutpela helti laip.

Em i tok em i amamas long karimaut program insait long PNG na helpim pipel long luksave olsem helti kaikai em i hap long



HARIM SINGAUT: Mista Perry.

Poto: Nicky Bernard

gutpela helt na pipel i ken stap longpela taim.

OFFLM Ministri em i kamap aninit long Seven De Etventis Sios we dispela kampani na Mista Perry i memba long en. Tasol wok bilong ol em long helpim olgeta manmeri.

Milien kina haus bilong pre Redio Maria stap pinis long PNG

WANPELA wik All Pasifik Preia Asembli (APPA) bung i bin go gut na pinis las wik Sarere wantaim bikipela wok nau long Papua Niugini i kirapim wanpela Tabenakel we olgeta sios bai bung na prei long em.

Long pinis bilong APPA, Kodineta bilong asembli long

PNG, Reveren Robert Sanasi i tok long ol helpim mani ol i kisim pinis em moa long K46,000 long kirapim dispela sios bilding we ol bai putim Tabenakel bilong David long olgeta sios i ken pre long em.

Dispela haus bai kostim moa long milien kina long em.

REDIO Maria em i wanpela intanesenel Kristen redio netwok bilong Katolik Sios na nau em i stap pinis long Papua Niugini (PNG).

Em i kisim ples nau bilong Katolik Redio Netwok we i bin ronim program bilong em long PNG long planti yia i go pinis.

Man i go pas long Redio Maria long PNG, Pater Martin We-en i tok Katolik sios i luksave olsem i gat bikipela nid long yusim redio, telivisen na internet long autim Gutnius bilong Jisas long wanem tude, planti pipel i yusim ol dispela samting moa yet long laip bilong ol.

As tru bilong Redio Maria i kamap em long mekim wok bilong sios long autim gutnius bilong Jisas long olgeta. Ol pater, sista, brata na ol lei manmeri i bung wantaim long mekim dispela wok na

Redio Maria i holim strong long dispela tingting bilong namba wan pas bilong Santu Paul i go long ol pipel bilong Korin we i tok; "sapos mi no autim Gutnius bai mi stap nogut tru" (Korin 9:16).

Long Itali na long ol arapela hap Redio Maria i stap long en, planti pipel i amamas long harim dispela radio. Dispela redio stesen i no bilong mekim wok bilong kisim mani, tasol em i bilong autim gutnius bilong Jisas tasol i go long olgeta pipel. Olsem na em i gat ol strongpela long yumi mas bihainim sapos yumi laikim dispela redio.

Sapos yumi laik save gut long dispela redio, yumi mas harim dispela stesen oltaim.

Moa long histori bilong Redio Maria neks wik.

Pait kilim gutpela sios wokman

Paulus Tali i raitim

NOMANE Luteran Sios seket long Simbu Provins i lusim wanpela gutpela wokman bilong bihainim dai bilong Manapa Nukui.

Mista Nukui husat i gat 54 krismas na em i bilong ples Wariab long Nomane, Simbu yet.

Mista Nomane i bin mekim wok bilong sios stat long yia 2000 olsem tresera na inap em i dai.

Em i bin holim wok olsem hetman bilong Nomane Luteran Sios seket na kongriksen.

Ol sampela Miaku wanpisin lain bilong em i bin kot long pik na pait i go i kam wantaim na kilim dai sios wokman, Mista Manape.

Dispela i kamapim bikipela wari long famili na sios seket. Tasol Nomane Luteran Sios seket presiden, Pasto Jacob Ilai i tokim ol Miaku wanpisin long noken tingting long pulim hevi i go moa.



YAMAHA
POWERING THE NATION

VERSATILE

ON ROAD & OFF-ROAD BIKES

AG100 Model
WAS K10,200
NOW
K7,990
RIDE AWAY

PLUS!

AG200 Model
WAS K12,900
NOW
K9,990
RIDE AWAY

✓ Built Tough ✓ 100% Reliability ✓ Parts & Service Backup



Ela Motors
YAMAHA
Your First Choice

CALL YOUR FIRST CHOICE BRANCH TODAY

Port Moresby.. Ph 3229400	Kimbe..... Ph 9835155	Wewak... Ph 8562255
Lae..... Ph 4781800	Lihir..... Ph 9864099	Vanimo... Ph 8571254
Kokopo..... Ph 9829100	Buka..... Ph 9739915	Tabubil... Ph 5489060
Madang..... Ph 8522188	Goroka... Ph 7321844	Porgera.. Ph 5479367
Mt. Hagen..... Ph 5421888	Kavieng... Ph 9842788	Alotau.... Ph 6410100

Email : jmoveh@elamotors.com.pg . Delivery Nationwide . Offer Expires : 30 / 09 / 2007.



Wara em bikpela samting

I GAT planti rot bilong pulim gutpela wara i go long ol manmeri long ol ruel eria o bus ples tasol Papua Niugini (PNG) i no save bihainim strong.

Dispela em wanpela samting Shirlee Dindillo bilong ATprojects long Isten Hailans Provins i luksave long en taim em i go long wanpela bikpela bung long Australia dispela yia.

Mis Dindillo em i wanpela akitek o meri husat i save droim piksa bilong ol samting olsem haus, tenk, skul, rot na ol arapela samting na ol wokman i save wokim bihainim ol piksa bilong em, em i luksave long planti ol arapela rot bilong kisim gutpela wara.

Ai bilong em i bin op long lukim na harim ol rot bilong kisim gutpela wara taim em i mekim toktok long 2007 'Rainwater and Urban Design' bung long Sidni (Sydney) long Ogas 21 i go long 23.

As tingting bilong dispela bung em long toktok long ol rot bilong kisim na bungim gut wara bilong ren long yusim na PNG em wanpela Pasifik kantri tasol i kamap.

Yumi no save tingting long kwaliti (gutpela) bilong wara taim yumi putim tenk bilong kisim wara long ren, Mis Dindillo i tok.

Em i tok olsem mipela i no save luksave olsem taim yumi putim ol ain gata long holim wara long ren wantaim ol arapela ain bilong haus kapa, dispela wara inap bungim planti pipia na marasin bilong ain na dispela i

ken bagarapim bodi bilong yumi.

Olsem na dispela tenk wantaim kanis mipela i kamapim em i gutpela long klinim gut wara bilong ol lain husat i gat sik AIDS bilong wanem wara bilong ren i kam stret long kilaut na i gutpela long dring, Mis Dindillo i tok long wanpela prosek em i mekim wantaim ATprojects.

Wok bilong kisim na bungim gut wara em i bikpela wok tru nau long planti ol bikpela kantri insait long wol tasol PNG i gat planti gutpela wara i stap na ol manmeri mas lukautim gut.

Olsem Mis Dindillo i makim wanpela patipen long dispela bung long Australia i tok; "Yupela (PNG) i gat planti gutpela wara tasol yupela i no save klinim gut bipo long ol manmeri kisim na yusim."

Mis Dindillo i givim toktok bilong em aninit long het tok; "A practical solution to the water needs of rural people living with HIV/AIDS" (Sampela rot bilong kisim gutpela wara i go long ol manmeri long ruel eria husat i stap wantaim sik AIDS).

Long toktok bilong em, Mis Dindillo i tok long wanpela rot bilong kisim wara long ren bilong dring na kuk.

ATprojects i mekim dispela samting wantaim kanis na tenk we i save holim wara bilong ren na bungim i go insait long tenk

Dispela i stap aninit long progrem bilong ol long kisim gutpela wara i go long helpim ol lain husat i save lukautim ol lain i stap wantaim sik AIDS long ol ruel eria.

Bia kampani sapatim Goroka So

James Kila i raitim

BIKPELA bia kampani bilong kantri, SP Bruri (SP Brewery) nau i kamap wanpela bikpela sponsa bilong Goroka So.

Las wik tasol kampani i bin sainim ol pepa long kamap olsem ko sponsa bilong 2007 Goroka So insait long Isten Hailans provins.

Dispela sponsasip bai lukim SP i givim K20,000 long helpim Goroka Kalsarel So Sosaiti i redim ol progrem bilong so we bai kamap long Septemba.

Agrimen pepa sainim i bin kamap long Goroka namel long SP Bruri Hailans Rijenal Menesa Dennys Reynold na Presiden bilong Goroka So Sosaiti, Himony Lapiso.

Mista Lapiso i givim bikpela tok amamas bilong em i go long SP Bruri long dispela K20,000 sponsasip.

Em i tokaut olsem dispela sponsasip i mekim SP olsem wanpela long tupela bikpela sponsa bilong Goroka So. Las yia SP i bin givim wankain helpim i go long so komiti olsem ko sponsa.

Mista Lapiso i tokaut tu olsem tupela narapela bikpela ko sponsa dispela yia em Coca-



KALA: Wanpela liklik meri Goroka long Goroka So sampela yia i go pinis. Fail Poto

Cola Amatil wantaim British Amerikan Tobako (BAT).

Em i tok so sosaiti i bin raitim leta pinis tu i go long ol liklik sponsa i tingting long helpim tu.

Em i tok olsem wankain olsem las yia dispela yia bai lukim moa long 50 singsing grup bilong planti hap bilong PNG i go soim ol bilas na kalsa bilong ol.

Mista Lapiso i tokaut tu olsem wanpela kalsarel grup bilong Honiara long Solomon Ailans i soim laik bilong en tu long stap insait

long Goroka So. Dispela grup i bin salim toksave long laik bilong en i go long PNG Turisim Promosen Atoriti long Mosbi na ol opisa long hap i givim telepon namba bilong Goroka So Sosaiti na ol i bin ring na toktok long em.

Goroka Kalsarel So i save pulim plnti ol turis long planti hap bilong wol olsem Yurop, Amerika, Japan, Esia na Australia long go lukim ol naispela kala tumbuna bilas na ol singsing na danis bilong PNG.

Wanpela progrem we i stap long 2007 Goroka So bai lukim ol yangpela bilong ol i stap namel long 15 na 18 krismas i bilas na resis long 'Mis Goroka So'.

Meri i go pas long Jaukae Bilum Wea, Florence Jaukae i go pas long dispela biuti kontes o resis.

Planti ol manmeri na ol yangpela long Hailans, Lae na Madang na ol asples long Isten Hailans yet i redi long amamas long ol selebren bilong Goroka So.



We are reaching

OUT TO THE REMOTE PARTS

AND IT'S YOUR BROTHER, MOTHER AND RELATIVES THAT WE THOUGHT ABOUT IN THE VILLAGE.

Always PNG, Always TELIKOM, Always there

Coverage



Don't be limited to your calls...

WE HAVE MORE MOBILE COVERAGE AREAS

Think about it... buy a Start-up kit with a K10.00 free call credit

Port Moresby
Kerema
Rabaul
Alotau
Popondetta

Wewak
Madang
Kimbe
Kiunga
Bialla

Kavieng
Lorengau
Mendi
Vanimo
Lihir

Goroka
Tari
Maprik
Wau
Ialibu

Angoram
Ambunti
Lae
Bulolo
Buka

Mt Turu
Tabubil
Kokopo
Ramu
Arawa

Yangoru
Aitape
Mt Hagen
Wapenamanda
Central province

K25

start-up kit

Plus K10.00
Free call credit

Always there!

Wewak taun nogat inap bas sevis

Dia Edita,

Mi komplem i go long Is Sepik PMV Bod long larim ol bisnis man long kism moa ol 25 o 30 sita bas na putim long rot long Wewak taun olsem populesen bilong Wewak i go bikpela na bas sevis i no inap long lukautim ol PMV Bod i mas wok klostu wantaim ol komesel beng long givim moa dinau i go long ol bisnis man long baim ol bas.

Mi ting olsem ol beng i laik helpim ol bisnis man meri tasol dispela PMV BOD i wok slek tumas long luksave long hevi i stap nau.

Watpo na taim nogat ol bas long bisi taim olsem Trinde na Fonde o Fraide i go long Sarere long pe de, ol man bisi tru na ol bas i no inap na ol PMV kar i save helpim long kism ol man olsem long Turubu, Moem na Balik, Is Kos, Wewak.

Mi no amamas long lukim olsem. nogat inap bas sevis long Wewak taun na ol pipel i pulap tru long ol bas stop.

I gat we long stretim dispela hevi o nogat, mi askim Is Sepik PMV BOD long skelim.

**JOHN KRISOAKI
WEWAK TAUN**

Wanem taim bai Kubalia Hai Skul gat nupela bilding?

Dia Edita

Mi rait long *Wantok Niuspepa* long tok kros long wanem taim bai em i givim K2 milien kina long Kubalia Hai Skul long wokim ol nupela ol bilding bilong ol?

Klostu tupela yia i lus pinis na dispela ol mani i stap we na skul i stap yet long bus meteriel haus.

Mi sori long lukim ol sumatin long ol narapela ples slip long ples na kam long skul.

**JOHN KRISOAKI
WEWAK TAUN**

Pinisim ol dinau

Dia Edita,

Mi raitim dispela pas i go long Wantok Niuspepa long tok tenkyu na amamas long Gren Sief Sir Michael Somare i kamap Praim Minista bilong Papua New Guinea (PNG) gen long 5-pela yia moa.

Mi laik askim Sir Michael na nupela gavman bilong em long wokim ol rot i kism olgeta hap PNG na mekim planti wok long ol maining olsem gol, kopa, wel na ges. Ating ol dinau bilong Wol

Beng, IMF EU, AusAID na ol narapela kain ol dinau bilong ol kantri long wol i mas pinis nau na yumi yet mas i gat Beng bilong Dinau i go long ol arapela kantri.

Mi laik askim nupela gavman long wok hat nau long bekim ol dinau bilong mipela wantaim ol narapela kantri.

**JOHN KRISOAKI
WEWAK**

Yumi mas gat planti fektori

Dia Edita,

Mi laik raitim dispela pas long tok-save long nupela gavman bilong Gren Sief Sir Michael Somare olsem em mas traim long senisim Is Sepik Provins kamap wanpela model provins bilong Papua Niugini (PNG) long wokim ol agrikalsa fektori.

Long dispela 5-pela yia Sir Michael i stap long gavman em i mas kirapim ol fektori bilong kakao dast, pinat bata, kona mit, tin pis, rais, prut dring, so das bilong wokim paia na kopra wel, wantaim kopi fektori - we dispela i kism longpela taim tru long wokim.

Taim dispela ol fektori i kamap bai i gat wok bilong ol manmeri na planti mani bilong developim Wewak taun i go kamap wanpela siti na em bai soim ol arapela provins.

Mi laik askim nupela gavman long pasim bil o lo long palamen long stopim ol ro materials long go long arapela kantri.

Taim bilong toktok em pinis nau na em taim bilong wokim mani na fektori bilong PNG - na Sepik i mas go pas.

**JOHN KRISOAKI
WEWAK**

Nupela Bulolo Open MP mas givim bek namba mipela givim long em

Dia Edita,

Bikpela tok tenkyu na amamas bilong mi i go long Sam Basil, nupela memba bilong Bulolo Open. Mi laik tokim yu memba bilong mi olsem, mipela ol manmeri bilong Bulolo i traim hat tru long painim gutpela lida na mipela i votim yu nau long harim kra bilong mipela ol manmeri.

Tasol long las ileksen i kam inap long nau, nogat wanpela gutpela helpim i bin kam long Bulolo Open. Mipela i laikim olsem yu nupela

memba bilong mipela i mas mekim gut wok bilong yu olsem memba bilong mipela na tingim ol sevis mipela ol manmeri bilong Bulolo i nidim long en. Mipela i mas i gat helpim nau.

Mipela i bilip olsem yu nupela memba bai kamapim senis na stretim hevi bilong mipela.

**GISANG N
BULOLO OPEN
MOROBE PROVINS**

Wok nating long haus kaikai bilong Saina na nogat gutpela

Dia Edita,

Mi wanpela Papua Niugini (PNG) man, mi laik autim wari bilong mi go long ol yangpela manmeri husat save wok wantaim ol Saina na ol India long ol liklik haus kaikai bilong ol nabaut long Mosbi na ol narapela taun bilong yumi.

Ol i save kilim skin na pe bilong ol i save liklik stret. Mi laik askim ol bikman husat save lukautim o bosim mak bilong pe bilong yumi long PNG mas i go raun na sekim ol dispela lain Saina na India na tokim

ol long baim gut ol dispela wok manmeri bilong o.

Nau yu go raun long biknait long Mosbi bai yu lukim ol stua bilong dispela lain bai op i go tulait na insait long en bai yu lukim ol yangpela meri i wok na long haus kuk bai yu lukim ol man olgeta bai kilim skin tasol taim tupela wik pinis bai ol kism K60 o K80 tasol. Yu ting olsem wanem long dispela?

**Konsen PNG
Gordons**

Les pasin bilong kaikai buai

Dia Edita,

Mi lukim long EMTV nius olsem ol dokta i wok skelim tingting long kamapim wanpela lo bilong tambu long kaikai buai na spet nabaut long pablik ples.

Mi gat tingting long dispela na mi askim long liklik spes long givim tu toea bilong mi.

I tru olsem buai em i wanpela samting we yumi ol PNG i save laikim tumas.

Em i samting bilong stretim maus na klinim nek pastaim long yumi sindaun paitim toktok long haus man.

Buai em i wanpela samting i pas strong tru nau insait long pasin kalsa bilong yumi.

Sapos yumi laik raun i go lukim ol wantok o sapos ol arapela i kam raun painim yumi, bai yumi givim buai long amamasim kamap bilong ol.

Olsem na buai i stap strong tru long pasin na kalsa bilong yumi hia long PNG.

Tasol mi man bilong skelim gutpela bilong yumi long bihain taim tu.

Na mi laik tok olsem sapos ol saveman bilong marasin na ol dokta i painimaut tru tru olsem buai i save kamapim planti ol sik we planti long ol pipel bilong yumi i save kism, ating i mobeta yumi harim gut tingting bilong ol.

Mi wanpela mangi ailan na buai em i bun bilong tru. Tasol mi kam stap long Mosbi na mi lukim olsem buai i kamap olsem wanpela kain pen.

Pasin bilong kaikai buai em long Mosbi i gat planti kain kain manmeri i pulap i stap na taim olgeta i brum i go long maket painim buai, olgeta i save kaikai na spet wantaim.

Bai yumi save husat long ol i karim ol sik TB, maus kensa, na ol arapela kain kain sik bilong maus na het?

Em wanpela hevi tu.

Sapos ol saveman i laik mekim wanpela lo olsem, em i orait. Bikos long tingting bilong mi yet, mi no ting buai bail us olgeta long yumi PNG. Maski yumi mekim lo bilong tambu long en long pablik ples.

**BUAI MAN
MOSBI SITI
NCD**



KALSA BILONG TAUN: Ol Asaro mud man i kam raun long taun. Hia ol yangpela i soim kalsa bilong long taun we i pulim planti manmeri i kam long lukim ol. Lukim long rait han bilong yu wanpela i werim silipas na danis. Tasol tingim taim bilong tumbuna, nogat silipas. Dispela em nupela kalsa bilong tude na bipo ol i bung wantaim.



Yu laik autim tingting bilong yu -
Salim wanpela pas i kam long Edita long:

OI Pas i go long Edita
P. O. Box 1982 BOROKO NCD

Sapos yu save long email, yu ken salim pas bilong yu i kam long:
editorial@wantok.com.pg

Yu mas raitim tru tru nem, telepon namba na pos opis bokis bilong yu. Sapos nogat, mipela i no inap putim pas bilong yu insait long pepa.

Wantok i gat rait long katim o stretim ol pas bal em i bhainim olgeta lo bilong niuspepa.



Presiden bilong Saina kam kamap long Australia

PRESIDEN bilong kantri Saina, Hu Jintao i tok gutpela prensip wantaim kantri bilong em i gat wantaim Australia i halivim long kamapim pis na gutpela sindaun insait long Esia Pasifik rjen.

Jonathan Beal i ripot olsem Saina presiden i bin mekim dispela toktok bihain long em i bin go kamap long Pet (Perth, Wes Australia), pastaim long APEC samit o kibung i kamap long Sidni.

Tripela Tax Draiva dai long Fiji

HET bilong Fiji Teksi Yunion i sutim tok long ol bikpela hevi bilong ikonomi bilong kantri long dai bilong tripela long ol memba bilong em long tupela mun i go pinis.

Ol i bin kilim tripela Teksi Driava long Fiji stat long mun Julai, na las long ol ol i bin painim em i dai na hangamap long wanpela bris 10-pela de i go pinis.

Rishi Ram, Jeneral Seketari bilong Fiji Teksi Yunion, i tok, ol i bin makim ol draiva long mani bilong ol.

"Namba wan bikpela as long ol dispela birua i kamap em bikos bisnis i hat tru bihain long militari ku i bin kamap. Planti manmeri nau i nogat wok moa bihain long ku - olsem na planti fektori i pas, na nau planti i wok traिम stil long ol tekxi draiva husat i save mekim mani yet."

Laisenia Qarase bai resis long narapela jeneral ileksen

LAISENIA Qarase (Ngarase) husat ol i rausim em olsem Fiji Prais Minista i tok bai em i resis long narapela jeneral ileksen, maski ami i tok bai i no inap larim em i go bek long pawa.

Mista Qarase i bin tokim Fijilive olsem em i gat rait aninit long mama lo bilong putim nem bilong ol i go het, na sapos helt bilong i gutpela na pati i mekim em, em bai go het long resis long ileksen.

Ami lida bilong Fiji, Frank Bainimarama i tok aste olsem, ku long mun Disemba i go pinis i kamap bihainim asua bilong Qarase gavman, na bai i no larim dispela Prais Minista bipo long go bek kisim pawa.

Interim Gavman i pasim agrimen long holim ol ileksen long mun Mas, 2009.

Mista Qarase i bin go bek long Suva long wiken bihain long em i bin stap longwe long ailan bilong em inap nainpela mun.

Singaut bilong tambu bilong kaikai buai

WANPELA long ol biknem medikal opisa bilong Papua Niugini (PNG) i tokaut long wanpela tambu long pipel i kaikai buai.

Dokta Mathias Sapuri, husat i presiden bilong Medikal Sosaiti bilong PNG, i tok bikpela laik bilong kaikai buai long kantri i wok long helpim long kamapim bikpela ol helt hevi, namel long ol em sik Tuberculosis -TB.

Em i bin autim dispela long wanpela Medikal Simposium nau i wok long kamap long Mosbi.

Dokta Sapuri i tok, sik kensa long maus i wok long kamap kwik long kantri long wanem long kaikai buai.

Em i tok tu olsem, TB i go long planti hap bilong kantri long wanem ol pipel i no lukautim gut helt bilong ol, namel long ol spet ol i septim bihain long kaikaim buai.

Likwifait ges tok wanbel i kirap

LONG namba tu long dispela kain bilong em, ol kampani bilong Australia na Saina (China) i sainim wanpela Hets ov Agrimen bilong saplaim likwifait net-seral ges i kam long Gorgon prosek long not bilong Westen Australia.

Ol pipel i makim Shell na Petro China International i bin sainim dispela agrimen long Perth dispela wik.

Shell kampani i tok, dispela agrimen i pasim nupela wok bilong LNG saplais.

Eksekutiv Vais Presiden bilong Shell na Power, John Chadwick, i tok dispela dil bai stap longpela taim i wanpela bikpela agrimen.

"Dispela i no bilong sotpela taim tasol. Em bilong twenti yia olgeta. Wan milien tan olgeta yia, olsem na em i wanpela bikpela hap liklik, tasol mi ting olsem dispela nau i soim wanbel bilong mipela long dispela Gorgon prosek."

WANTOK TOK PISIN NEWS from Radio Australia radioaustralia.net.au

Harim TOK PISIN long Radio Australia 101.9FM Port Moresby

Tok Pisin Service 6am - 7am 6080; 7240(KHZ) 7pm - 9pm 5995; 6020; 9710; 1280(KHZ)

Saina stap long APEC bung



LUKIM AUSTRALIA: Presiden bilong Pipels Ripablik bilong Saina Hu Jintao (namel) i kamap long Fairbairn ples balus long Canberra, Australia dispela wik Tunde. Mista Hu em i namba wan bikpela lida long kamap long Australia long stap insait long bikpela APEC kibung i go het long Sidni dispela. (AAP Image foto/Mark Graham).

Ol Wabag sumatin kisim sik taipoit

PLANTI handret sumatin long Wabag taun long Hailans rjen bilong Papua Niugini (PNG) i wok karim hevi bilong sik taipoit (typhoid).

Kamap bilong dispela sik i go bikpela long Wabag Sekondari Skul.

Wanpela niuspepa i makim toktok bilong ol sumatin long skul long tok olsem, dispela sik i wok long i go bikpela, na ol i sutim tok i go long menesmen o lukautim bilong skul long i no luksave bilong kamap bilong sik na mekim samting long en.

Niuspepa i tok em i kisim toksave i kam long ol atoriti bilong skul long tok olsem, dispela isu i no bikpela inap long ol i toktok long en.

Sikspela fiji jas risain

JUDISAL Sistem bilong Fiji nau i stap paul bihainim pinistaim bilong sikspela jas bilong Kot ov Apil.

Ol jas i tok, ol i pinisim long wok bilong ol long wanem ol i wari long pasin Sief Jastis Anthony Gates, em ami i bin makim em long lukautim ol wok administresen.

Makim yet tokaut bilong ol long Fiji Times, ol jas i tok, Sief Jastis i kisim i go longwe han bilong ol, administresan bilong kot.

Ol jas i tok, ol i i givim i go pinis toksave bilong pinis wok i go long President Ratu Josefa Iloilo.

Ol i makim toktok bilong Jastis Gates long tok olsem, ol i mas rispektim ol disisen bilong ol jas, na ol i mas soim amamas na tenkyu i go long ol long sevis ol i givim Fiji.

Australia i tok India nogat insait long APEC

AUSTRALIA i tok, ol bai i no larim India i kamap memba bilong APEC long Esia Pasifik bung.

Australian Foren Minista, Alexander Downer, i tok i no olgeta kantri long 21 APEC memba i laik larim nupela memba i kam insait.

Wanpela ten yia tambu long kisim nupela ol memba bilong APEC i pinis dispela wik long miting i kamap long Sidni.

Mista Downer i tok, em i laikim India i joinim APEC tasol, em i wanpela long wanpela ten tu kantri i gat laik bilong kamap nupela memba bilong dispela grup.

"Tingting bilong mi yet em APEC bai kisim planti gutpela samting sapos India i kamap memba. Tasol i klia long ol paitim tok bilong mipela long ol dispela mun i go pinis olsem i gat wanbel tingting long opim mak bilong APEC."

Pacific BEAT Listen to Radio Australia 101.9FM Port Moresby

4. 5. 6am & 4pm. 5pm including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



Martha strongim laik na kam long APPA bung

Veronica Hatutasi i raitim

ALL Pasifik Preia Asembli (APPA) bung i kamap nau long Mosbi, Nesenel Kapitel Distrik, i pulim planti bilip manmeri long Papua Niugini (PNG) na Pasifik i kam long en.

Wanpela long ol em Martha Gimlolo husat i wanpela mama, wokmeri na bilip meri bilong Otonomes Bogenvil Rijen tasol i wok na stap long Tabubil wantaim famili bilong em.

Martha i bin strongim laik na tingting long kam long dispela bung taim em i harim olsem em i bai kamap.

Bikos bung i kamap long PNG, mi

tok em i sans bilong mi long kam na mi yet i baim balus tiket na K200 rejistresen fi, em i tok.

Yumi ken saptim ol misinari long preia na mani olsem planti bilong yumi i wokim tasol nau mi strongim tingting na laik na olsem mi kam na bai mi stap insait long olgeta program long san na long nait, Martha i tok.

Het tok bilong APPA em "Kisim glori bilong God long lasples bilong graun na kisim bek i go long Jerusalem."

Long wankain taim, Grace Moata husat i wok long PNG Kastoms long Lae, Morobe Provins, em wanpela

wok meri husat i bin stap insait long wanpela wok APPA bung.

Em i tok em i amamas long kam stap insait long bung na lainim planti samting we bai helpim em i strongim spirituel laip bilong em.

Grace i tok bikos dispela bung i kamap taim nupela gavman (long PNG) i kam insait tasol, gavman bai kisim ol gutpela blesing bikos ol planti tausen Kristen long olgeta hap bilong PNG na Pasifik, Australia na Nu Silan i pre long em tu.

APPA bung neks yia bai kamap long Hawai'i.

Man Maprik namba wan wina long FTC Kupon Resis

WANPELA man Maprik em i namba wan wina bilong Wantok Be AIDS Free Kupon Resis.

Dispela man nem bilong en Stanley Wangi. Em i gat 33 krismas na em bilong ples Maprik insait long Is Sepik Provins.

Stanley nau em i namba wan man bilong winim

bikpela prais insait long dispela FTC Kupon Resis.

Prais Stanley i winim em wanpela balus tiket bilong ron long balus i go long olgeta hap we balus kampani Airlines PNG i save sevisim.

Dispela resis em wanpela non gavman ogenaisesen Friends That Care (FTC) i

go pas long en aninit long wanpela wok bung wantaim *Wantok Niuspepa*.

Insait long dispela resis i gat ol askim i save kamap olgeta wik we ol rida i ken ritim na bekim long save bilong ol.

Olgeta dispela askim i sut long sik AIDS na astingting bilong en em long strongim

save bilong ol manmeri insait long komyuniti long dispela sik nogut.

Long wan wan mun, bai gat wanpela dro we ol sponsa o mausmanmeri bilong ol bai kamap long *Wantok Niuspepa* opis long Mosbi long droim wanpela wina.

Husat manmeri i go insait long dispela resis bai kisim wanpela fri FTC musik CD o kaset. Long dispela musik CD i gat ol kainkain lokol musik i toktok na givim stia tok long sik AIDS.

Bihain long Nesenel AIDS Kaunsil Seketariet i bin opim FTC long 2002, em nau grup i wok mekim ol kempen bilong strongim pasin bilong banis gut agen-sim dispela sik.

Narapela bikpela as tingting bilong dispela kupon kempen em long painimaut hamas manmeri i wok long bekim dispela hevi bilong HIV na AIDS. Taim FTC i kisim olgeta dispela stori, em i ken helpim ol long mekim moa awenes samting na tu long givim trening long ol olsem ol lain bilong karim wok i go aut long kantri.

Namba tu bikpela dro bilong dispela FTC Kupon Resis bai kamap long pinis bilong dispela mun long Septemba 28.

Baim na ridim *Wantok Niuspepa* long save moa long sik AIDS na winim planti gutpela prais.



KUPON I WIN: Bihain long em i droim kupon i win, meri i makim Airlines PNG Maila Kidu i soim kupon bilong Stanley Wangi bilong Maprik. Airlines PNG i namba wan bikpela sponsa bilong ol prais bilong dispela kupon kompetisen. Long saitsait bilong en em Edita bilong *Wantok Niuspepa* Neville Choi na Eksekutiv Produsa na man i kirapim FTC Harvey Sebea.

Poto: Andrew Molen

Raun wantaim ol Meri na Pikinini

GIVIM KAIKAI:
Wanpela meri bilong Saniterium Operesen Fud fo Laip Ministri i skelim ol gutpela helt kaikai long ol lain i gat sik long tingting long Laloki Haus Sik bilong ol siklain we i stap ausait long Mosbi siti.

GUTPELA HAP LONG PILAI:
Ol dispela pikinini i amamas pilai long bikpela hap bilong Laloki Haus Sik graun taim ol i go lukim wanpela hauslain na poro bilong ol long wiken.
Ol Poto: Nicky Bernard

"WANTOK STAP AIDS FREE"

KUPON KOMPETISEN

Stap insait long wan wan mun dro na winim wanpela fri riten balus tiket i go long wanem hap insait long PNG long gutpela luksave i kam long AIRLINES PNG. NEKS DRO DE: FRAIDE, SEPTEMBER 28, 2007

Raitim ol ansa bilong yu na salim kupon i kam long: WSAF KEMPEN, P.O.Box 961, Boroko, NCD.
Kamap wanpela fri netwok kempen memba bilong "Friends That Care (FTC) Production."
Ringim mipela nau long painimaut moa ringim Tel: 325 4718.

WINA NAMBA 1:
STANLEY WANGI
Adres: P. O. Box 536
Maprik. Is Sepik
Provins, PNG

Question: Q32: Yu mas yusim kondom olgeta taim yu laik kuap wantaim patna bilong yu. Tru o Nogat?
Answer: -----
Name: ----- **Sex:** ----- **Age:** -----
Address: ----- **Contact:** -----



Bodi Bilda tim...



Kriket tim...



Ryan Pini i mekimsave long swim na winim gol medol...



PNG tim i amamas long taim. Ryan Pini i swim na kisim gol medol...



PNG Sofbal tim bilong man long Samoa...



SP GAMES, 2007



A PROUD SPONSOR OF
TEAM PNG TO SAMOA
SOUTH PACIFIC GAMES 2007

Always PNG, Always TELIKOM, Always there



Netbal tim...



Tim opisals...



Sofbal tim. Bilong man na meri.



Wet lifta tim...



Yangpela PNG meri kilim skin long tenis long Samoa...



SP GAMES, 2007



A PROUD SPONSOR OF
TEAM PNG TO SAMOA
SOUTH PACIFIC GAMES 2007

Always PNG, Always TELKOM, Always there

'Swit Love' bilong Patti Doi brukim olgeta musik rekot

NUPELA bikpela hit bilong Patti Potts Doi Swit Love nau i brukim pinis olgeta kainkain Papua Niugini (PNG) musik rekot we nau em i kamap namba wan singsing insait long tripela ten krismas histori bilong PNG musik long holim namba wan posisen abrusim tripela ten o teti (30) wik olgeta.

Na i luk olsem em i strongim sindaun bilong em nau we em i wok winim olgeta luk-save antap long Yumi FM Nesanel Wikli Hit Pareit na i luk olsem em bai stap long wankain mak yet inap sampela moa wik i kam.

Dispela singsing we planti manmeri i save singsing bihainim nau i wok long pulim lewa bilong planti musik fen insait long Pasifik we singsing i sindaun insait long namba 10 long Solomon Ailans, Vanutu na Australia long BBM98.7 stesen long Kens (Cairns) Australia. Em i ken kisim ol lain pipel long Fiji tu. Tasol Swit Love i no wangepa fevret singsing bilong Pati Doi yet.

Potts yet i tok olsem taitol trek singsing bilong em long dispela albam bilong em, Tago Urere em wangepa singsing i gat inap strong long kamap wangepa bikpela hit singsing.

Tasol long narapela sait long taun, Kas-T bilong YumiFM Sankamap So i bin traim pilaim dispela singsing long radio bai em i ken pulim iau bilong ol radio lisena. Wangepa wik bihain, Swit Love i bin brukim nesanel radio kaundaun. Strong bilong dispela singsing i kam long kwolati na bikpela mak ol i bin mekim Swit Love na ol arapela singsing we ol i bin rekotim long wangepa studio i stap ovasis.

Bihain long em i bin kamap long Nesanel Wikli Hit Pareit long pinis bilong las yia, em i no kisim longpela taim long rausim singsing bilong TwinHoks em Maten Kandiek bihain long em i bin sindaun 31 wik long namba wan. Long dispela taim i kam inap nau, em i sindaun long namba wan inap 35 wik olgeta.

Dispela wik dispela singsing bai winim namba 36 wik bilong em long Nesanel Wikli Hit Pareit. Bihainim ol ratings stori bilong Yumi FM, Swit Love i luk olsem em bai bungim namba foti (40) wik bilong en insait long mun antap.

Man i save bosim kaundaun olgeta Sarere, em Kas-T i tok olsem Swit Love i



ken isi tru holim namba wan posisen inap foti wik olgeta bikos strong bilong en i no slek na i wok long strong moa yet.

Sapos yumi lukluk bek long ol bikpela namba wan hit singsing long ol yia i go pinis, singsing bilong Potts, em Lulu i bin holim namba wan posisen inap 17 wik long kaundaun long 1992 na 1993. Dispela i bin wangepa hit singsing Potts yet i no bin lukim. Dispela singsing em wangepa singsing Potts yet i bin rausim long wangepa arapela albam we i bin gat narapela hit singsing em Manam Ailan.

Long dispela taim yet Potts i bin pilim olsem Lulu i no bin i gat inap strong inap mi bin kisim na strongim tingting bilong Pacific Gold Studio olsem dispela bai wangepa bikpela singsing tru bilong kantri.

Faivpela krismas bihain long 1998, Potts i mekim gen wantaim ben bilong em Quakes taim ol i rilisim lau PJ we i bin sindaun long namba wan posisen inap 19 wik olgeta.

Em i bin wangepa bikpela singsing tru na planti manmeri i stat kolim 'pen kila' bikos ol i tok kain krai bilong em i save kolim bel na kirapim tingting.

Bihain long em i no bin gat planti PNG singsing i holim namba wan posisen bikos olgeta singsing i no bin sanap bikpela tumas.

Sikspela yia bihain long 2004 Uralom Kania na Moses Tau i bin setim nupela rekot wantaim singsing bilong Nelien we i bin bosim namba wan inap 21 wik olgeta.

Long 2005 Maten Kandiek bilong Twin Hoks i pulim rekot i go tenpela wik moa. Tasol em i bin pundaun taim Swit Love i rausim na nau i luk olsem em bai makim nupela rekot bilong en bihainim tasol laik bilong ol manmeri.

Taim Glasim Musik i askim Potts long sikret bilong em long raitim ol hit singsing, em i tok olsem dispela i stap long han bilong ol pipel yet, ol radio na TV fen na ol arapela i wok baim albam na i wok tanim ol singsing bilong em i go kamap ol hit singsing.



KILIM SKIN: Potts, pasim ai na paitim dram. Fail Poto

Swit Love bai kisim moa luksave olsem singsing bilong dispela yia na Tago Urere i luk olsem em bai kisim albam bilong yia wantaim tripela Top 10 hit na Potts olsem Atis bilong yia, na dispela i ken kamap long Musik Awots.

"Mi yet mi laik tok tenkyu long ol fens bilong mi long kantri long askim long dispela singsing na givim mi narapela rekot break," Potts i tok.

Em i wangepa bikpela ona long mi yet olsem Swit Love i wok long hitim ol sat long Honiara na i wok long pikap long Fiji. Mi bai raun i go long ol dispela kantri sapos mi gat sans long go na amamasim ol fens bilong mi long hap, em i tok.

Yu ken ritim Glasim Musik long tok inglis olgeta Mande insait long The National tasol.

Tok pilai wantaim Kanage olgeta wik!



Lapun Kanage bilong Bukawa i save wok long wangepa waitman long Wau. Wangepa taim em i kam bihain tru long taim bilong wok na waitman i askim em: "Where have you been?" Lapun Kanage i kirap na bekim: "Sori masta,

no gat bin long maket."

Regina Tagwi Angoram

Kanage em bilong Banz tasol em save toktok olsem em bilong Tolai. Kefiu long Hagen na ol polisman bungim Kanage long rot.

Ol kisim em i go long polis stesen na wangepa Tolai polisman i askim em: "Yu bilong wanem hap?" Kanage i bekim: "Rabaul...ee." Polisman i askim gen: "Wanem liklik ples bilong yu?" Kanage smail tasol na tok: "Kopex...ee." Polisman em belhat nau na askim em long wanem tok ples bilong em. Kanage i lukluk long polisman na tok: "Aleeee...ai." Kanage i no

pinisim gut toktok na polisman putim wangepa han long maus bilong em.

Navi & Munare Hagen

Wangepa nupela marit bilong Arowe i gat wangepa nupela pikinini. Tupela i wok long painim nem bilong givim long pikinini meri bilong tupela. I no longtaim na Kanage i kamap na kolim nem Maria.

Tasol mama i les na bekim: "Nogat! Dispela em nem bilong susa tru bilong mi. Nogut em bikpela na raun nabaut na bagarapim nem bilong gutpela susa bilong mi." Olsem na Kanage i kolim nem Stella. Tasol man Arowe i bekim: "Nogat! Dispela em nem

bilong poromeri bilong mi. Nogut dispela nem tu bagarap." Kanage harim dispela toktok na em i kalap i go ausait long windo.

I no longtaim na man Arowe singaut na ron wantaim pes solap i kam ausait long haus.

Jimex & Kila Aurox

Poromeri bilong Kanage tokim em long go wet long Jackson's Ples Balus long 6 kilok apinun. Tasol Kanage kirap long 5 kilok moning wantaim hap spak bilong aste nait i stap yet na go long ples balus. Boi wet i go inap long apinun na pispis kilim em stret. Kanage i go long sekyuriti na askim em: "Excuse me, sir, can I bor-

row your toilet?" Sekyuriti kirap na tokim em: "Stop playing up, man." Tasol Kanage i bekim: "Hey bras, I am not playing up. I'm playing down."

Ben Sano NCD

Kanage em bilong Sepik na em sindaun salim sampela bun bilong muruk wantaim ol arapela kaving long Angoram maket. I no longtaim wangepa turis bilong Japan i kamap na askim Kanage, "Hey! What's that?" Kanage bekim: "It's a bun muruk! It's made of good wood, hard wood, and one of the member wood."

J Copper Angoram

TOKSAVE!!

Ol feivaret skwad bilong Kanage, sapos yu gat pani stori yu laik serim wantaim ol arapela ridas bilong yumi, plis salim tasol i kam long **Kanage Tok pilai** P.O. Box 1982 Boroko NCD Port Moresby na mipela i ken putim long Kanage tok pilai pes.



NEM: Richard Kuke
KRISMAS: 18 (man)
ADRES: C/- Warangi High School, P.O Box 1134, Rabaul, East New Britain Province

SAVE LAIKIM: Pilai Soka, basketbol, kukim kaikai, mekim pani na mekim pren na go lotu.

NEM: Teddy Bobby
KRISMAS: 19 (man)
ADRES: P.O Box 394, Popondetta, Oro Province

SAVE LAIKIM: Pilai soka, ragbi na go lotu.

NEM: Brexie Ainani
KRISMAS: 18 (man)
ADRES: P.O Box 394, Popondetta, Oro Province

SAVE LAIKIM: Pilai soka na ragbi, lukim TV, harim musik na go lotu.

NEM: Richard Wale
KRISMAS: 17 (man)
ADRES: Kemtonnes Group, P.O Box 992, Boroko, NCD

SAVE LAIKIM: Ritim bik, pilai spot, kukim kaikai na go lotu.

NEM: Kaylene Yalingen
KRISMAS: 20 (meri)
ADRES: P.O Box 135, Maprik, East Sepik Province

SAVE LAIKIM: Mekim pani, raitim pas na mekim pren.

NEM: Stanley Tepoka
KRISMAS: 18 (man)
ADRES: Redscar Secondary School, P.O Box 1164, Central, NCD

SAVE LAIKIM: Pilai basketbol, harim musik, ritim buk, lukim TV na mekim pren.

NEM: Raymond Hanawo
KRISMAS: 19 (man)
ADRES: Kanabea Code Centre, P.O Box 220, Kerema, Gulf Province

SAVE LAIKIM: Raitim pas, stori, pilai basketbol, singsing na raun raun.

NEM: Rachael Kaker
KRISMAS: 18 (meri)
ADRES: Gavien Central Prais & Worship Centre, P.O Box 953, Wewak, East Sepik Province

SAVE LAIKIM: Go lotu, pilai volibol na soka, kukim kaikai, mekim pani na swim

NEM: Cosinda Pane
KRISMAS: 17 (meri)
ADRES: Kanabea Primary School, P.O Box 220, Kerema, Gulf Province

SAVE LAIKIM: Pilai soka, mekim pani, mekim gaden, skul na pilai musik.

NEM: Pexon Ken
KRISMAS: 17 (man)
ADRES: P.O Box 3545, Boroko, NCD

SAVE LAIKIM: Pilai ragbi, raitim pas, go lotu na harim musik.

Sauten Kros i kamap

BIPO long wanpela ples ol i kolim Maunten Bi i gat wanpela meri na man. Tupela i stap i go na i kisim tupela pikinini nem bilong tupela em Gemo na Marua.

Ol i stap i go na wanpela taim ol i nogat kaikai tru long haus. Nau meri i askim man bilong em: "Yumi nogat kaikai long haus tru, mitupela i go long bus na painim sampela kaikai."

Man bilong em i tok, "Yu kisim busnaip na bilum bilong yu na mitupela i go."

Tupela i laik i go na papa i tokim tupela pikinini "Yumi nogat kaikai long haus na mitupela i go painim sampela kaikai long bus."

Yutupela i mas pasim dua gut tru na stap insait long haus tasol. Na i no ken i go ausait."

Tasol pikinini boi Gemo i no laik stap insait long haus na taim mamapapa i go en i kisim susa Marua na karim i go i go insait tru long bikpela solwara.

Bihain papamama i kambek long bus na lukim olsem tupela pikinini i no stap.

Tupela lusim kaikai long haus na tupela i raun na bihainim lek mak bilong tupela pikinini i go na i go insait long solwara. Na tupela i bihainim tu na swim i go i go insait, tupela i painim tupela pikinini i stap.

Nau Gemo na Marua tupela i amamas tru long stap wantaim papamama na strongpela solwara wantaim bikpela win tru i kamap. Solwara na win wantaim i kam na Gemo, Marua wantaim papamama ol i dai.

Nau samting nogut i kamap na ol i senis i go long lait.



Foapela lait kirap long solwara na i go antap long skai.

Nau olgeta taim ol i stap tasol.

Nau yumi lukluk i go antap long skai long nait, yu bai lukim 4-pela sta i lait moa i stap long Saut.

Em Gemo, Marua, wantaim papamama bilong tupela nau olgeta nait yumi lukim na kolim Sauten Kros.

Mi kros bikos boipren bilong mi i gat narapela gelpren

Dia Laiplain,

Mi wanpela meri sumatin i wokim gret 9 long wanpela sekonderi skul na mi laik wokim gut long skul bilong mi. Bihain long mi pinisim skul, mi laik kisim wok na bihain, painim gutpela man long maritim.

Hevi mi gat em boipren bilong mi i wokim gret 12 ovasis. Long krismas skul malolo taim, mi tokim boipren bilong mi olsem mi laik muv (trense) i go long narapela skul tasol em i no bin laik. Tasol mi strongim kona bilong mi na mi trense.

Mi painimaut olsem em i gat wanpela gelpren long dispela skul mi trense i go long en. Mi bin bel kaskas tru olsem em i wok long dabolim mitupela.

Mipela i salim salim pas i go kam tasol mi jeles tu bikos narapela gel tu i save kisim pas long em. Mi no tokim dispela boi olsem mi save long pasin em i wokim tasol mi wari nau long skul wok bilong mi.

Bai mi brukim prensip bilong mitupela o go het na stap olsem mi no save long wanpela samting long dispela narapela gelpren na olgeta samting i stap gut tasol.

Broken Heart



Dia Pren,

Mipela i luksave long wari na piling bilong yu taim yu painimaut long narapela gelpren bilong em.

Long pas bilong yu, yu tokim mipela olsem yu no laik tokim boipren olsem yu save pinis long narapela gelpren em i gat bikos yu pret olsem dispela i ken bagarapim skul bilong em. Na yu no save bai yu mekim wanem.

Pren, planti ol yangpela bilong tude long kantri i bungim dispela wankain hevi. Taim ol yangpela boi na gel i gro long bodi, tingting na spirituel sait, bai yu luksave olsem ol hap bilong bodi i senis tu wantaim tu teist o laik long ol samting. Ol samting we ol i laik wokim i senis.

Nogat asua long i gat boipren o gelpren tasol taim prenpasin i bruk. Na i gat ol arapela hevi taim seks i kamap pinis, tupela yangpela i slip wantaim taim ol i

no marit gut yet. Yu ken kisim ol sik nogut olsem ol Seksueli Trensmittit Sik (STD) na AIDS.

Ol kain prenpasin bai bagarapim skul bilong yu bikos em i narapela wok antap long stadi bilong yu.

Mipela i laik bai yu tingting gut long ol samting na yu serim ol wari bilong yu wantaim saplen o ol gutpela Kristen pren. Na papamama bilong yu? Yu ting olsem ol bai givim sampela helpim? Ol bai tok wanem sapos ol i save long pren pasin yu gat long en.

Mipela i amamas olsem yu no laikim bai boipren i stap long hevi sapos yu tokim em olsem yu save long narapela gelpren bilong em.

Pren, long stap pas na tru long wanpela man o patna tasol na i no wokim bikhet pasin Yu ting olsem boipren bilong yu bai i noken bikhet o stap pas wantaim yu tasol bihain taim sapos yu ting em i rait patna bilong yu? Sapos em i wok long haitim narapela gelpren bilong em, em inap long yusim yu tasol. Yu laik em bai yusim yu tasol?

Sapos i gat ol Kristen yut bung o Skriptja Yunien Felosip, i moa-

beta yu joinim ol. Taim yu save long Tok bilong God long ritim Baibel, yu bai kisim ol gutpela tingting long helpim yu i mekim ol gutpela disisen long bihain taim.

Mipela i pre bai God i ken stiaim yu long ol disisen bilong yu na hop stadi bilong yu i go gut.

Laiplain

Sapos yu gat wari o hevi, rait i kam long Lifeline, P O Box 6047, Boroko, NCD. Yu ken ringim mipela tu long telepon namba 326 0011. Raitim trupela nem na adres bilong yu i kam na bai mipela i salim bekim long pas bilong yu. Mipela bai toktok long ol trupela samting yu askim long em tasol bai mipela i no inap long putim trupela nem bilong yu.

Laiplain



Wiken raun wantaim Wantok

Redio Program

Program bilong Wanwan De - Mande - Fraide

- 6am - 10am - Sankamap show - Host: Kas.T
- 6:15am - Komuniti Notis Bod
- 6:30am - Nius Hetlain / Bondei grtings
STOP & SHOP GES FAIA KOMPETISEN
- 6:45am - Niuspepa Hetlain
- 7:00am - Major Nius Bulletin - YUMIFM Nius Senta
- 7:15am - Powerhaus Hit prediksen
- 7:30am - STOP & SHOP GES FAIA KOMPETISEN
- 8:00am - Major Nius Bulletin - YUMIFM Nius Senta
- 8:15am - YUMIFM Bisnis / Market Ripot
- 8:30am - STOP & SHOP GES FAIA KOMPETISEN
- 9:00am - Nius Bulletin - YUMIFM Nius Senta
- 9:15am - Luksave long Komuniti (Redio Pila)
- 9:30am - STOP & SHOP GES FAIA KOMPETISEN
- 9:45am - YUMI PAINIM WOK Segment
- 10:00am - Nius - YUMIFM Nius Senta
- 10am - 2pm - Monin Trek na Belo Pack -
- 10:10am - Lukatim yu yet - Helt toktok - RH Hyper Mart
- 10:15am - Powerhaus Hit Prediksen
- 10:45am - YUMI PAINIM WOK Segment
- 11:00am - Nius - YUMIFM Nius Senta
- 11:10am - Cont'd - Lukauti yu yet - Helt toktok
- 11:30am - Nius Hetlain b'long Belo Taim
- 12:00pm - Major Nius Bulletin - YUMIFM Nius Senta
- 12:10pm - ESI COOK RICE Belo taim Dedikesen
- 12:15pm - Komuniti Notis Bod
- 12:20pm - cont'd ESI COOK Belo taim dedikesen
- 1:00pm - Nius - YUMIFM Nius Senta
- 1:10pm - cont'd ESI COOK RICE Belo taim dedikesen
- 1:15pm - Powerhaus Hit Prediksen
- 2:00pm - Major Nius Bulletin - YUMIFM NIUS SENTA
- 2pm - 6pm - Avinun Draiv Taim - Host: UNCLE ET
- 2:00pm - 4:00pm (Tundei / Fondei) TOKAUT TOKSTRET
- 2:45pm - YUMI PAINIM WOK Segment
- 3:00pm - Nius - YUMIFM Nius Senta
- 3:10pm - Avinun cruz
- 4:00pm - NIUS - YUMIFM Senta
- 4:10pm - SAUT B'long UNCLE ET - foapela singsing
- 4:30pm - Nius Hetlain
- 4:45pm - YUMI PANIM WOK Segment
- 5:00pm - Nius - YUMIFM Nius Senta
- 5:10pm - 6:00pm - FLAME KULCHA (1 hr)
- 6:00pm - MAJOR NIUS BULLETIN - YUMIFM NIUS Senta
- 6pm - 00am - NAIT BEAT - Host: ANGRA KENNEDY
- 6:10pm - 7:00pm Mon kamap sho
- 6:15pm - Powerhaus Hit Prediksen
- 6:45pm - Komuniti Notis Bod (Toksave wantaim Vaviessie)
- 7:00pm - 9:00pm - COCA COLA GARAMUT
- 9:00pm - 00am - Nait Beat - Isi Cruz long nait
- 00am - 6am - BRUKIM TULAIT SHOW
- 00:00 - Early Monin Taim Cruz (ol lain brukim tulait So)



EDI ORO GAVANA JENERAL: Dispela tupela yangpela meri bilong Pari i singaut long welka-mim Gavana Jeneral Gren Sief Sir Paulias Matane long opim bilong Lidasip PNG long Palamen Haus long Mosbi, Nesenel Kapitel Distrik.



MIPELA LUKAUTIM: Ol dispela lain bai lukautim ol lain husat bai stap long dispela bung.



TRAIM TASOL: Ol liklik yangpela bilong Pari i wokim liklik stail danis bilong ol long opim Lidasip PNG bung. Ol Poto: Nicky Bernard

RADIO AUSTRALIA TOK PISIN PROGRAM

- HARIM LONG: 101.9 FM
- Radio Australia Tok Pisin Program - MANDE
- Moning - Nait**
- 6AM Stesen Op - Nius Hetlain - Musik na ol intaviu
 - 6.30AM Nius na Karent Afes
 - 7AM Stesen Pas
 - 7PM Stesen Op
 - 7.01PM Ol Hetlain na Program Priviu
 - 7.15PM Spots
 - 7.30PM Nius na Karen Afeas
 - 8PM Helt
 - 8.15PM Musik
 - 8.30PM NIUS
 - 8.40PM Spots Riplei
 - 8.55PM Musik
 - 9PM Stesen Pas
- TUNDE**
- Moning - Nait**
- 6AM Stesen Op - Nius Hetlain - Musik na ol intaviu
 - 6.30AM Nius na Karent Afes
 - 7AM Stesen Pas
 - 7PM Stesen Op
 - 7.01PM Ol Hetlain na Program Priviu
 - 7.15PM Musik na Chit-Chat
 - 7.30PM Nius na Karen Afeas
 - 8PM Mama Graun
 - 8.15PM Musik/Spots
 - 8.30PM NIUS
 - 8.40PM Helt Riplei
 - 8.55PM Musik
 - 9PM Stesen Pas
- TRINDE**
- Moning - Nait**
- 6AM Stesen Op - Nius Hetlain - Musik na ol intaviu
 - 6.30AM Nius na Karent Afes
 - 7AM Stesen Pas
 - 7PM Stesen Op
 - 7.01PM Ol Hetlain na Program Priviu
 - 7.15PM Musik na Chit-Chat
 - 7.30PM Nius na Karen Afeas
 - 8PM Focus
 - 8.15PM Musik/Spots
 - 8.30PM NIUS
 - 8.40PM Mama Graun Riplei
 - 8.55PM Musik
 - 9PM Stesen Pas
- FONDE**
- Moning - Nait**
- 6AM Stesen Op - Nius Hetlain - Musik na ol intaviu
 - 6.30AM Nius na Karent Afes
 - 7AM Stesen Pas
 - 7PM Stesen Op
 - 7.01PM Ol Hetlain na Program Priviu
 - 7.15PM Musik na Chit-Chat
 - 7.30PM Nius na Karen Afeas
 - 8PM Youth
 - 8.15PM Musik/Spots
 - 8.30PM NIUS
 - 8.40PM Focus Riplei
 - 8.55PM Musik
 - 9PM Stesen Pas
- FRAIDE**
- Moning - Nait**
- 6AM Stesen Op - Nius Hetlain - Musik na ol intaviu
 - 6.30AM Nius na Karent Afes
 - 7AM Stesen Pas
 - 7PM Stesen Op
 - 7.01PM Ol Hetlain na Program Priviu
 - 7.15PM Musik na Chit-Chat
 - 7.30PM Nius na Karen Afeas
 - 8PM Wantok
 - 8.15PM Musik
 - 8.30PM NIUS
 - 8.40PM Youth Riplei
 - 8.55PM Musik
 - 9PM Stesen Pas
- SARERE**
- Nait**
- 7PM Stesen op - Ol Nius Hetlain/Program Priviu
 - 7.05PM Musik na Chit Chat
 - 7.30PM Nius
 - 7.40PM Wantok
 - 8PM Lokal Ben
 - 8.30PM Nius
 - 8.40PM Musik/Chit Chat
 - 9PM Stesen Pas
- SANDE**
- Nait**
- 7PM Stesen op - Ol Nius Hetlain/Program Priviu
 - 7.05PM Musik na Chit Chat
 - 7.30PM Nius
 - 7.40PM Femili Blong Serah (Redio Plei)
 - 8PM Lukluk Bek Long Wik
 - 8.30PM Nius
 - 8.40PM Musik/Chit Chat
 - 9PM Stesen Pas

93 FM YUMIFM WIKLI HIT PARADE

Saturday: 08/09/07

W/B	L/W	T/W	SONG	ARTIST
1	1	1(36)	Swit Love	Patti Potts Doi
2	2	2(5)	Angel on Earth	Anslom Nakikus
4	4	3	Lost in a dream	Leonard Kania ft George Luff
5	5	4	Laea long mi	Solkizs
3	3(6)	5	Angorom Boys	Side Doors
6	6	6	Tago Urere	Patti Potts Doi
7	7	7	Auna Fonza	Moqai
8	8	8	Fool moon	Anslom
17	12	9	Oh Mama	Owa Unit
15	14	10	Darling	Solkizs
10	10	11	Lite Malar	Patti Potts Doi
16	13	12	Mangi Moresby	Massive Sound System
11	11	13	Lady Kairuku	Moqai
9	9	14	Oro Tapa	Empis of Oro
18	17	15	Tugurere	Papua Originators
0	0	16	Unari	Tribe of Jubal
13	15	17	Where stap Love	Anslom Nakikus
14	16	18	Talaigu	Patti Potts Doi
0	0	19	Crazy	Anslom
19	19	20	Morokea	Gravity

TV GAID

FONDE 6 SEPTEMBER, 2007

- 5.29AM STATION OPEN
- 5.30AM G JOYCE MEYER
Religious programme
- 6.00AM G TODAY
- 9.00AM G EMTV PRIME TIME LINE UP
- CLASSROOM BROADCAST
- 9.30AM Mathematics
- 10.20AM Science - Grade 8
- 11.00PM G XIII SOUTH PACIFIC GAMES
- Live Day 3: Archery, Baseball, Basketball, Beach Volleyball, Cricket, Football, Golf, Hockey, Lawn Bowls, Netball, Sailing, Shooting, Softball, Squash, Surfing, Swimming, Table Tennis, Tennis, Touch Rugby and Weightlifting.
- 4.57PM G EMTV TOK SAVE
- 5.00PM G THE SHAK
- 5.30PM G HOT SOURCE
- 6.00PM G NATIONAL EMTV NEWS
- 6.30PM G A CURRENT AFFAIR
- 6.59PM G NEWS UPDATE IN TOK PISIN
- 7.00PM G TEMPTATION
- 7.30PM G SPORT SCENE

FRAIDE 7 SEPTEMBER, 2007

- 7.57PM G EMTV TOK SAVE
- 8.00PM PG THE SIMPSONS
- 8.30PM G XII SOUTH PACIFIC GAMES
- Highlights of Day 2 competition.
- 9.30PM M THE FOOTY SHOW
- 11.00PM G AFL HIGHLIGHTS
- Midnight G EMTV NEWS REPLAY
- 00.30AM Australia Network
- 5.29AM STATION OPEN
- 5.30AM G JOYCE MEYER
Religious programme
- 6.00AM G TODAY
- 9.00AM G EMTV PRIME TIME LINE UP
- 9.30AM CLASSROOM BROADCAST
- 9.30AM Mathematics
- 10.20AM Science - Grade 8
- 11.00PM G XIII SOUTH PACIFIC GAMES
- Live Day 4: Archery, Baseball, Basketball, Beach Volleyball, Cricket, Football, Golf, Lawn Bowl, Netball, Sailing, Shooting, Softball, Squash, Surfing, Swimming, Table Tennis, Taekwondo, Tennis,

SARERE 8 SEPTEMBER, 2007

- 4.59AM STATION OPEN
- 5.00AM G RUGBY WORLD CUP 2007
- Live FRANCE v ARGENTINA - Pool D, Venue: St. Denis.

- Touch Rugby and Volleyball.
- 4.57PM G EMTV TOK SAVE
- 5.30PM G HOT SOURCE
- 6.00PM G NATIONAL EMTV NEWS
- 6.30PM G A CURRENT AFFAIR
- 6.59PM G NEWS UPDATE IN TOK PISIN
- 7.00PM G TEMPTATION
- 7.30PM G FRIDAY NIGHT FOOTBALL:
- 1st Qualifying Final
- WARRIORS v PARAMATTA EELS
- Ex Mt. Smart Stadium, Auckland.
- 9.27PM G EMTV TOK SAVE
- 11.00PM G IN MORESBY TONIGHT
- special time
- 11.30PM G XIII SOUTH PACIFIC GAMES
- Highlights of day 9 competition.
- Midnight G EMTV NEWS REPLAY
- 00.30AM G Australia Network
- The sixth Rugby World Cup hosted by France, where 20 nations from around the world compete for Rugby's most prized possession.
- 7.00AM Australia Network
- 10.29AM STATION OPEN
- 10.30AM PG THE MUSIC JUNGLE
- 11.30AM G XIII SOUTH PACIFIC GAMES
- Replay of the Opening Ceremony
- 11.30AM G XIII SOUTH PACIFIC GAMES
- Day 5: Archery, Baseball, Basketball, Beach Volleyball, Body Building, Golf, Netball, Rugby 7's, Sailing, Shooting, Softball, Squash, Surfing, Swimming, Table Tennis, Taekwondo, Tennis, Triathlon and Volleyball.
- 5.00PM G XII SOUTH PACIFIC GAMES
- Highlights of Day 4 competition
- 6.00PM G NATIONAL EMTV NEWS
- 6.30PM G RUGBY LEAGUE 2007:
- Live 2ND Qualifying Final
- NORTH QUEENSLAND COWBOYS v BULL-DOGS
- Ex Dairy Farmers Stadium, Townsville.
- 8.30PM G RUGBY LEAGUE 2007:
- Live 3RD Qualifying Final

- MANLY SEA EAGLES v SOUTH SYDNEY RABBITOHS
- Ex Brookvale Oval, Sydney.
- 11.00PM G RUGBY WORLD CUP 2007:
- NEW ZEALAND v ITALY - Pool C, Venue: Marseille, France.
- 1.00AM G RUGBY WORLD CUP 2007:
- AUSTRALIA v JAPAN - Pool B, Venue: Lyon, France.
- 00.30AM Australia Network
- SANDE 7 SEPTEMBER, 2007
- 7.59AM STATION OPEN
- 8.00AM G SUNDAY
- special time
- 10.10PM G XIII SOUTH PACIFIC GAMES
- Highlights of day 10 competition
- 11.00AM XIII SOUTH PACIFIC GAMES 2007
- Day 12 competition
- 1.00PM G XIII SOUTH PACIFIC GAMES 2007
- losing Ceremony
- 5.00PM G XIII SOUTH PACIFIC GAMES
- Highlights of day 11 competition
- 6.00PM G NATIONAL EMTV NEWS



TORO



BIABIA



KANAGE



PAINIM NEM INSAIT

Painim ol dispela toktok bilong ron long balus:

BALUS	AIR NIUGINI	AIRLINES PNG	MAF
ISLANDS NATIONAL	TI	PLES BALUS	KAGO
TI	KOPI	JIUS	BISKET
SIA LET	SIA	TIKET	SEKIN
SEKYURITI LAIP JAKET		EA HOSTES	PAILOOT
SUTKES			

ANSA BILONG LAS WIK...

ANSA BILONG LAS WIK...

6	4
9	8

Ol ansa bai kamaut long neks wik so putim was long neks wik pepa!!



long mobail telepon bilong em.

Taim telepon bilong em ring hariap tru em bai bekim na tok "Manus Gavana, mi toktok wantaim husat?" Ol manmeri ring save paul stret.

klab o hotel na spak gut tru na misis bai i no save wanem hap yu stap long en. Nau, yu no inap hait.

Wanem hap yu stap, misis bai ring long mobail fon bilong yu na askim yu stap we?

Yu no inap giamanim em, bikos long bekgraun em bai harim masin bilong pokis i pairap.

Olsem na narapela poro i lusim mipela hariap tru long Junction klab bikos misis i ring na painimaut pinis olsem em i stap long Junction na em bai kisim teksu na kam bungim em long hia.

Em nambatu misis bilong em na em olsem taiga nogut na maus bilong em i sap moa..

Ol tisa bung long welkamim Minista bilong ol.

Olgeta toktok pinis na wanpela bikman i tokim ol long go kaikai.

Ol kaikai stap na bikman i tok gen olsem wanpela pik ol kukim na ol i karim yet long rot i kam. Ol manmeri husat laik kaikai i wet tasol pik i no kam yet na olgeta kaikai long tebol i pinis.

I gutpela long holim mobail fon wantaim yu na raun. Tasol tingim bipo long taim yumi nogat mobail fon.

Yumi man save raun gut tru long ol

Tok Win Tasol...

EMTV TV GAID

6.30PM G RUGBY LEAGUE:4TH Qualifying Final special time
MELBOURNE STORM v BRISBANE BRONCOS
8.30PM G 60 MINUTES.
9.30PM M SUNDAY NIGHT MOVIE: THE IN-LAWS special time
(2003) Romance / Comedy - When prospective fathers-in-law Steve Tobias and Jerry Peyser meet for the first time to celebrate their children's upcoming marriage, the cake hits the fan. Peyser is a mild-mannered podiatrist with a well-organised daily routine designed to eliminate all possible sources of stress. Meanwhile, daredevil CIA operative Tobias moves through life like a heat-seeking missile. His average day consists of dodging bullets, stealing private jets and negotiating with the international arms smugglers.
Stars: Michael Douglas and Albert Brooks.
11.30PM G EMTV NEWS REPLAY
Midnight G RUGBY WORLD CUP 2007 Live SAMOA v SOUTH AFRICA - Pool A, Venue: Paris
2.00AM Australia Network

MANDE 10 SEPTEMBER, 2007

4.10AM G US OPEN TENNIS CHAMPIONSHIP
Women's Final
6.30AM US OPEN TENNIS CHAMPIONSHIP
Men's Final
9.00AM G CREFFLO DOLLAR Religious Program
CLASSROOM BROADCAST
9.30AM Mathematics
10.20AM Science - Grade 8
11.10AM Personal Development - Grade 6
Midday Social Science - Grade 8
1.00PM Making A Living
2.00PM DEPI Program 2007
2.59PM STATION RE-OPEN
KIDS KONA
3.00PM G NEW MACDONALD'S FARM
3.30PM G HI-5
4.00PM G LOONEY TOONS
4.30PM G THE SLEEPOVER CLUB
4.57PM G EMTV TOK SAVE

5.00PM G THE SHAK
5.29PM G EMTV
5.30PM G HOT SOURCE
6.00PM G NATIONAL EMTV NEWS
6.30PM G A CURRENT AFFAIR
7.00PM G TEMPTATION
7.27PM G EMTV TOK SAVE
8.00PM G XIII SOUTH PACIFIC GAMES
Highlights
9.00PM M 24 (special night & time)
10.00PM G PASTOR JOSEPH KINGAL
MINISTRIES: Religious Program
10.30PM G EMTV NEWS REPLAY
11.00PM PG WIFE SWAP:
Midnight Australia Network

TUNDE 11 SEPTEMBER, 2007

7.15AM G TODAY
9.00AM G CREFFLO DOLLAR Religious Program
9.00AM G CREFFLO DOLLAR Religious Program
9.30AM CLASSROOM BROADCAST
9.30AM Mathematics

10.20AM Science - Grade 8
11.00AM G XIII SOUTH PACIFIC GAMES
Live coverage of Day 7 competition of the South Pacific Games in Samoa.
KIDS KONA
3.00PM G NEW MACDONALD'S FARM
3.30PM G HI-5
4.00PM G LOONEY TOONS
4.30PM G MORTIFIED
4.57PM G EMTV TOK SAVE
5.00PM G THE SHAK
4.57PM G EMTV TOK SAVE
5.30PM G HOT SOURCE
6.00PM G NATIONAL EMTV NEWS
6.30PM G A CURRENT AFFAIR
7.00PM G TEMPTATION
7.30PM G HAUS & HOME
8.30PM G SP CUP RUGBY FINAL: GURIAS v MURUKS
10.30PM G EMTV NEWS REPLAY
11.00PM PG MCLEOD'S DAUGHTERS
Midnight Australia Network

TRINDE 12 SEPTEMBER, 2007

5.29AM STATION OPEN

5.30AM G JOYCE MEYER
Religious programme
6.00AM G TODAY
9.30AM CLASSROOM BROADCAST
9.30AM Mathematics
10.20AM Science - Grade 8
4.57PM G EMTV TOK SAVE
5.00PM G THE SHAK
5.30PM G HOT SOURCE
6.00PM G NATIONAL EMTV NEWS
6.59PM G NEWS UPDATE IN TOK PISIN
7.00PM G TEMPTATION
7.30PM PG MCLEOD'S DAUGHTERS:
9.30PM G EMTV NEWS REPLAY
10.00PM G RUGBY WORLD CUP 2007
Live USA v TONGA - Pool A, Venue: Montpellier, France.
Midnight Australia Network
1.59AM STATION OPEN
2.00AM G RUGBY WORLD CUP 2007
Live JAPAN v FIJI - Pool B, Venue: Toulouse.



Strongim ol lain bilong hukim pis bilong PNG

Bikpela Pasifik Tuna Bung we bai kamap long Papua Niugini (PNG) long dispela yia bai luk-luk long strongim ol lain bilong hukim pis na moayet tuna long PNG na Pasifik.

Nesanel Fiseris Atoriti (NFA) i go pas long dispela bung, na ol i wok long kisim helpim olsem ol samting long yusim long dispela bung, na mani, long ol kampani na ol narapela opis long kantri.

Las wik Fonde long Mosbi, Nesanel Kapitil Distrik, PNG Institut bilong Pablik Administresen (PNGIPA) i givim K5000 sek mani long NFA long helpim ol long ronim dispela bung. Long poto, Menesing Dairekta bilong NFA, Sylvester Pokajam (Iephan) i sekan long Dairekta bilong PNGIPA, Yala Yatu, husat i amamas long helpim.

Foto: Andrew Molen



NFS harim tingting bilong ol woklain

Ol Nesanel Forestri Sevis (NFS) woklain husat i wok long ol bus hap tru bilong Papua Niugini (PNG), bai i gat sans long autim tingting bilong ol long ol hevi ol i save bungim long wok bilong ol.

Dispela sans em long taim NFS i kamapim 4-pela bung o woksop bilong ol fil opisa bilong em long 4-pela rijen bilong kantri long painimaut wanem mak wok na sindaun bilong ol i stap long en.

NFS General Menesa na hetman bilong Woksops Ogenaising Komiti, Brown Kiki, i tok ol fil opisa, moayet ol dispela long o bus hap bai i ken autim ol tingting bilong ol olsem wanpela grup, na i no wan wan.

NFS Menesing Dairekta, Kanawi Pouri, i tok bikpela samting ol fil opisa i ken toktok long en long dispela taim em sindaun bilong ol (haus na ol narapela samting) long ol hap ol i wok long en.



LAURACEAE CINNAMOMUN sp



SINAMON: Lip na ol prut bilong dispela diwai sinamon.

Nem bilong en: Sinamon (Cinnamon)

Wok bisnis nem: Camphorwood, PNG

Wanem kain diwai: Wanpela bikpela diwai long-pela bilong em i go inap 40 mita. Namel bilong em i ken bikpela i go inap 1 mita raunim as bilong em. Em i save gro stret i go antap tasol na het bilong em i bikpela tasol i no bikpela tumas olsem sampela arapela diwai.

Skin diwai: Bikpela bilong skin diwai bilong en i ken gro inap 1.2 sentimita bikpela, em i grei braun, sampela i ret braun na i gat strongpela naispela smel.

Diwai o timba: Kala bilong em i yelo olsem gras i drain a i gat ol orens lain i ron namel long en, em i no hevi tumas na i no strongpela tumas wantaim strongpela sanda bilong en.

Ol lip: I no sanap poroman, namel bilong em i op na het bilong em i sap. Antap bilong em i dak grin na aninit bilong en i blu grin.

Ol plaua: Wan wan flaua bilong en i sanap long pos bilong em yet. I gat 6-pela lip bilong flaua i blu na grin.

Prut bilong em: Wanpela bilakpela seri bikpela bilong em i namel long 1 na 1.2 sentimita longpela bilong em i sindaun insait long wanpela blu grin sia. Em i gat wanpela sid tasol.

Moa stori: I gat kainkain spisis bilong Cinnamomum insait long Papua Niugini.

Harmoni laik wok poroman long Wafi/Golpu gol main

AFRIKA Renbo Minerals (ARM), kampani we i gat save long mekim planti kain wok main long las wik Trinde i tok em i no inap stap longwe long ol tok-tok long pas wantaim Harmoni Gol (Harmony Gold) long mekim wok main long Papua Niugini (PNG).

Harmoni Gol i wanpela Saut Afrika kampani tu we i wok long mekim wok main long Hidden Veli Gol Main long Wau, Morobe Provsins, na bai wok tu long Wafi na Golpu gol main.

Long toktok bilong em wantaim ol niusman long las wik Eksekutiv Dairekta bilong ARM, Pieter Rorich, i tok kampani bilong em i gat

laik mekim wok main long kopa na Teal, kampani we i wok wantaim em long mekim wok painimaut (eksploresen) long ol main i lukluk tu long planti ol arapela samting long mekim moa long wanem samting ol i wok long mekim nau.

Ekting Harmoni Gol Sief Eksekutiv Opisa Graham Briggs i tok long las wik olsem Harmoni i wok long painimaut wanpela kampani long poroman wantaim na wok long Wafi-Golpu kopa-gol main long PNG.

Em i tok ol wok painimaut i soim olsem wanpela hap bilong Wafi klostu long Golpu long Morobe em wok bai pinis long Novemba

dispela yia.

Na i gat taim we i luk olsem rot bilong developim main bai senis na "dispela i stap long kamap na stap bilong poroman kampani," em i tok.

Mipela i tok pinis olsem mipela i mas traim olgeta kainkain tingting long wanem kampani tru em mipela i mas kisim long developim main. Long mekim wok painimaut i go inap long kukim gol, Mista Briggs i tok.

Dispela em i bikpela prosek na bai kisim mani mak olsem AUS\$1-bilien (K2.5 bilien) long stretim ol samting bipo long wok tru i kamap, em i tok.

Bipo long makim bilong em olsem ekting



REDI: Bikpela kar redi long mekim wok long Hidden Veli Gol Main. *Fail Poto*

sief eksekutiv opisa bilong Harmoni em i tok long stat bilong yia olsem wok painimaut bilong ol long kirapim na developim Golpu main i soim olsem planti ol gutpela samting inap long developmen bilong main.

Nau yet kampani i wok long lukluk long kisim dinau mani long

wanpela beng long Australia long helpim em long kamapim ol wok, Mista Briggs i tok.

Harmoni Gol i wok long kamapim Hidden Veli Gol Main long kos olsem K650 milien (AUS\$250). Na wok bilong kamapim gol long hap bai stat long Novemba narapela yia, 2008.



Cat® D6N

TRACK-TYPE TRACTOR

ENGINEERED TO EXCEED THE MOST DEMANDING GOALS

Designed for high productivity, long life and low operating costs in many applications. The Cat® 3126 HEUI engine increases horsepower, improves fuel efficiency and reduces emissions. The new model also boasts differential Steering and a quieter, more comfortable operator's station.

Hastings Deering



PORT MORESBY
Spring Garden Road, Hohola, PNG
Ph: (675) 300 8300 Fax: (675) 325 0141

	PHONE	FAX
LAE	472 2355	472 1477
TABUBIL	548 9162	548 9155
RABAU	982 1244	982 1129
LIHIR	986 4105	986 4107
KIMBE	983 5144	983 5144

Product People Commitment.

We deliver.

Ol Dro

Pot Mosbi Ragbi futbol lig
Prilimineri fainol

Sarere, Septemba 8, 2007

PRL 1:

1100 Brothers	vs	Puma	risev gred
1230 Dobo Warriors	vs	Hawks	risev gred
1400 Dobo Warriors	vs	Souths	A gred


Sande Septemba 9, 2007

1000 Skul bois gem			
1100 Kone Tigers	vs	Paga	anda 19
1200 Hawks	vs	Magani	anda 19
1300 Skulbois gem			
1400 Entatenmen			
1500 Argmark Gurias	vs	M&J Muruks	SP Kap gren fainol

Meri ragbi yunion (WRU) gren fainol

Sande Septemba 9, 2007

1500 Powder Puff sevens	(anda 20 skul gels)
1600 Entatenmen	
1620 Defence vs	Southern Chiefs (WRU)




KALAP: Dispela pilaia bilong Wests (lephan) i kalap long kisim bal tasol birua bilong em bilong Mosbi tu i kalap long paitim bal long han bilong em long gren fainol gem bilong ol long NCD AFL salens las wik Sarere. Wests i win 5.9-39 na Mosbi 4.11-35.

Poto: Andrew Molen

STOPIM EM: Deakin Degoba bilong University Piggies i takolim birua bilong em bilong Defence strong stret long Pot Mosbi ragbi yunion gren final gem bilong ol las wik Sarere. Piggies i win 20-0.

Poto: Andrew Molen



DANIS: Kainkain amamas i save kamap long taim bilong pilai na dispela grup bilong Tolai i mekim save stret long Bava Park long gren fainol bilong Pot Mosbi ragbi yunion.

Poto: Andrew Molen



SAPOTA: Dispela liklik mangi em i wan-pela dai hat sapota bilong Kone Sharks ragbi yunion tim na las wik Sarere em i penim pes bilong em na i raun long fil na lukluk long gem i stap.

Poto: Andrew Molen



GOL MEDOL: Dispela tripela PNG bodi bilda i soim ol medol ol i winim long Saut Pasifik Gems long Apia, Samoa. Ol i kam bek wantaim namba wan grup bilong tim PNG long Mosbi long Mande dispela wik. Narapela grup i stap pilai yet.

Poto: PNGSFOC



Sea Eagles redi long flai

MANLY seken ro fowet, Anthony Watmough i tok wanpela samting we inap pasim ol nau long winim primiasip em ol yet.

Ol Sea Eagles husat i stap namba tu i save olsem olgeta ai pas long ol na ol tu i gat bikpela tingting long go long fainol stret.

Ol i save tu olsem ol i winim olgeta tim insait long top 8 na wanpela tasol ol ino winim yet em ol Cowboys.

Watmough i tok Manly nau i gat inap save na ekspiens long tim na gutpela tingting long difens bilong ol na dispela ol samting inap long kisim ol i go stret long antap.

"Ol mangi toktok long dispela pinis na ol i luk-save tu olsem dispela kain sans long kam insait long fainol long kain gutpela posisen olsem ino save kam olgeta taim na wanpela samting tasol we inap pasim mipela em mipela yet," Watmough i tok.

Sapos mipela i putim olgeta tingting bilong mipela i go insait long en, mipela inap winim, em i ok.

"Bikpela samting em mipela i noken givap na i mas kamap long fil olgeta wik na redi long pilai na sapos mipela i kamap long gren fainol, mi save bai mipela i stap," em i tok.

Mangi Manly


Jackson Varcilli, wanpela mangi Milen Be, i bikpela sapota bilong Manly Sea Eagles. Long dispela poto, Jackson husat i save stap long Lae, Morobe Provins, i putim jesi bilong Manly na redi long lukim gem bilong ol long TV.



Foto: William Natera

Johns kisim drak

ANDREW Johns i slip wanpela nait long haus kalabus long England bihain long ol i painim drak insait long poket bilong trasis bilong em.



ASUA: Johns. Foto: AAP Image/Nine).

Johns husat i pinis pilai na i go raun long England las mun i bin go dring insait long wanpela nait klab na i kisim drak long wanpela man na i putim long poket bilong em.

Bihain taim em i go ausait na ol polis i sekim em, ol i painim dispela samting na i sasim em.

Johns i tok em i no save long dispela man tasol em i ken tingim olsem dispela man i givim em dispela drak na em i putim long poket bilong em.

Em i tok em i spak dispela taim na i tingting long kisim dispela drak bihain taim.

Tasol Johns i tok em i no namba wan aim bilong em long kisim drak.

"Insait long 10-pela yia mi pilai, mi save kisim drak tasol mi save kisim long wiken na long krimas na holidie taim i nogat gem i kamap," Johns i tok.

Em i tok sori long olgeta sapota wanpilai na ol arapela husat i gat bilip long em na em i tok ol narapela i noken bihainim dispela pasin.

Thurston winim Dally M awod gen

WOK olsem kepten bilong cowboys i senisim Jonathan Thurston na i helpim em tu long winim gen Dally M awod olsem pilaia bilong dispela yia.

Dispela em i namba tu taim Thurston i winim dispela awod insait long tripela yia.

Thurston i kisim awod bihain long em i winim 13 vot moa long las 5-pela raun long abrusim Wests Tigers huka, Robbie Farah.

Thurston i bin stap baksait long Farah wantaim tupela poin tasol planti poin bilong em i kam long laspela raun bilong NRL agensim Bulldogs we ol i win

38-32.

"Em i bikpela gem bilong Cowboys bilong wanem Paul Bowman i pilaim 200 gem bilong em na mi mekim tingting long pilai strong na mekim em amamas," Thurston i tok laspela gem bilong ol.

Planti manmeri i save laikim gem bilong Thurston, biknem hapbek bilong Kwinnslen, na planti i tingim yet we em i bin pilai long dispela ol gem tu.

Long sampela hap, ol manmeri i wok long tok tu olsem ating Thurston i nambawan pilaia, i no hapbek, tasol pilaia long wol.

PNG strongim wok bilong Fittler

KOSA bilong Sydney Roosters, Brad Fittler i tok em i save amamas long kam bek long Papua Niugini (PNG) wantaim Praim Minista's bilong wanem em i save olsem

komyuniti wok bilong em i save helpim planti manmeri long hap.

Fittler bai kam bek gen dispela yia wantaim PM's XIII kosa Mal Meninga long salens

wantaim PNG Kumuls na tu long mekim promosen agensim sik AIDS na pasin bilong paitim meri.

Long PNG ol i save lukim Fittler wantaim Meninga olsem

ol biknem lain bilong ragbi lig stret na tu long wok bilong ol agensim ol hevi bilong helt olsem sik AIDS.

"Long hia ol i no save luk-save tumas long Praim Ministas 13 taim ol i go long PNG, tasol long PNG bai yu kisim bikpela luksave tru taim yu go daun long balus yet.

"Planti manmeri tru save bung na amamas long lukim ol pilaia i go daun olsem na ol i save amamas moa yet taim mipela i go long ol komyuniti na toktok wantaim ol manmeri," Fittler i tok.


"Mi save saptim dispela raun bilong wanem em i soim ragbi lig i helpim ol komyuniti husat i gat planti hevi na mi save mipela i save helpim long kamapim sampela senis long laip bilong ol na mi amamas long dispela," em i tok.

Fittler i tok dispela raun em i gutpela tu long ol pilaia bilong ol bilong wanem em i mekim ol i luksave olsem ol i gat planti sapota tru long PNG.

Fittler i save laikim tru PNG na i kam long hia planti taim pinis.

PM's 13 bai mekim sampela kosing klinik long Cairns bipo ol i go daun long Mosbi long pilaim PNG Kumuls long Septemba 23.

Dispela gem bai givim sans long Australia long makim ol pilaia bilong ol bilong Australia tim agensim Nu Silan (New) long Oktoba 14 na tu long ragbi lig wol kap long 2008.



Fittler, taim em i pilai long Roosters. Foto: Fail Poto

Saut Pasifik Gems Samoa - 2007 Medol Tali

Position		Gold	Silver	Bronze	Total
1	New Caledonia	61	45	43	149
2	Samoa	26	24	31	81
3	Papua New Guinea	25	12	12	49
4	Tahiti	21	22	19	62
5	Fiji	17	27	26	70
6	Nauru	11	6	10	27
7	Palau	6	3	3	12
8	Federated States of Micronesia	4	4	0	8
9	Cook Islands	4	1	3	8
10	American Samoa	3	8	4	15
11	Tonga	2	13	9	24
12	Vanuatu	2	1	2	5
13	Tokelau	2	0	0	2
14	Guam	1	1	7	9
15	Solomon Islands	0	6	8	14
16	Kiribati	0	4	2	6
17	Niue	0	1	1	2
-18	Norfolk Islands	0	1	0	1
-18	Tuvalu	0	1	0	1
20	Wallis and Futuna	0	0	1	1
	Marshall Islands	0	0	0	0
	Northern Marianas	0	0	0	0
	Total	185	180	181	546

Yao strong tumas

...Kirika, Ben, na Doonar winim namba wan raun



STRONGPELA MAN: Yao, maraton rana bilong PNG i ron long mak bilong em inap i kamap nambawan na winim gol bilong PNG. *Poto: JASON PINI*

SAPOLAI Yao i no nisemis spit bilong em taim em i stat ron inap resis i pinis na em i kisim gol medol bilong Papua Niugini (PNG) isi tasol.

Yao i mekimsave long 3, 000 mita stipol ses resis bilong em, spit bilong em i no pinis, em i no luk sotwin o tait, em i ron tasol olsem dispela resis em i samting nating long em.

Na klostu long pinis lain, em i apim spit bilong em na i go longwe moa long ol arapela inap em i abrusim pinis lain.

Baksait long em, ol arapela etlit bilong ol arapela kantri sotwin, sampela i pundaun na bagarapim skin bilong ol long trek tasol em i no tanim na lukluk long ol.

Long wankain taim Yao i kisim luk-save long driman bilong em long kamap olsem wanpela marathon rana tru.

Long 2006 Komonwelt Gems long Melbon (Melbourne), Australia, Yao i tokaut long wol olsem em i laik stap insait long intanesenel marathon resis tru.

Na long Mande dispela wik (Tunde, PNG taim) Anna King bilong Intanesenel Olimpik Komiti i tok orait

long em bai stap insait long wanpela kain resis olsem.

Narapela husat i stap long harim dispela toksave tu em Seketari Jeneral bilong Osenia Olimpik Komiti, Robyn Mitchell.


"Mi kirap nogut tru long dispela toksave hia long Samoa. Mi save laik stap insait long wanpela hap marathon resis na dispela i mekim olgeta samting i moa isi long mi bilong wanem bai gat kar na ples bilong mi long stap na go resis aninit long dispela sponsasip," Yao i tok.

Long 100 mita resis, Wally Kirika, Henry Ben na Andrew Doonar i ron gut long kisim ples insait long namba tu raun bilong resis.

Kirika i putim gutpela taim stret namel long olgeta wantaim 10.81 sekens long kam namba wan, Doonar i kam namba tu long narapela resis wantaim 10.99 sekens na Ben i pinis namba tri long narapela resis.

PNG Etlitiks Yunion Presiden, Tony Green i tok Fiji etlitiks tim i strong tru na bai kamapim bikpela salens long 200 na 400 mita resis tasol em i gat bilip long ol PNG etlit long mekim ol i kirap nogut.

PNG kam gut!



Papua Niugini laik holim 2015 Saut Pasifik Gems

Andrew Molen i raitim

PAPUA Niugini (PNG) em wanpela bilong arapela 4-pela kantri husat i apim han long holim 2015 Saut Pasifik (SP) Gems.

"Planti bilong yumi long PNG ken tok olsem 1991 gem long Mosbi na Lae em i namba wan stret na olgeta manmeri long kantri na Pasifik tu i tingim yet.

"Long dispela as mipela bai givim nem i go insait long kisim 2015 SP Gems i kam nek gen long hia," Seketari Jeneral bilong PNG Spots Federesen na Olimpik Komiti, Sir John Dawanicura i tok bipo em i go long SP Gems long Samoa.

Ol kantri husat i laik holim 2015 SP Gems em Vanuatu, Solomon Ailans, Amerikan Samoa na Tonga.

PNG mas mekim wok painim aut pastaim na givim ripot bilong ol i go long SP Gems Kaunsil long Cook Ailans long 2009 taim mini gems i kamap.

Long Mande dispela wik (Tunde,

PNG taim) SP Gems enuol jeneral miting i tokaut olsem Wallis and Futuna, wanpela liklik kantri long Pasifik bai holim 2013 mini SP Gems.

Long wankain taim Cook Ailans i tokaut tu long ol wok redi bilong ol long holim 2009 mini SP Gems.

Dispela i kirapim bel bilong PNG na ol arapela tripela kantri long Pasifik long traun na winim tok orait long kisim 2015 SP Gems i go long kantri bilong ol.

Sampela kantri husat i putim nem long holim dispela ol gems i rausim nem bilong ol bihain na planti bikman long dispela bung i amamas tasol long makim Wallis and Futuna.

Dispela kantri stap 3, 500 kilomita autsait long Australia, Polinesia na Nu Silan (New Zealand).

Na Presiden bilong Gems Komiti bilong Wallis and Futuna, Viane Hoatau i tok ol ailan bilong em makim het; "Awaiting to share our spirits" o Mipela i wet tasol long soim pasin bilong mipela, olsem hap tok bilong dispela gem.

Wol bai luksave long PNG

DESEMBA 1, dispela yia em det we ol arapela kantri long wol bai luksave long Papua Niugini (PNG).

Dispela em taim we ol top kikkoksa bilong PNG bai tromoi han lek wantaim ol namba wan paitman bilong arapela hap long wol.

Na man bai go pas long ol long dispela "PNG veses Rest of the World" kikkoksing tonamen em wol sempion bilong PNG, Stanley "Headhunter" Nandex yet.

"Mi gat bilip long ol manki bilong mi na mi save ol bai nap kamapim gutpela pait long dispela taim," Nandex i tok.

Tasol bipo long dispela tonamen em olgeta sinia kikkoksa bilong PNG bai bung long Mosbi long Septemba 29 long Sports Inn long skelim ol yet long wanpela seleksen triael.

"Long dispela tonamen bai nap olsem 42 paitman i kamap long seleksen we mipela bai makim 20 tasol long stap insait long bikpela salens long Desemba.

Ol paitman bai kam olgeta hap long kantri na ol bai pait insait long 55kg i go long 100kg weit divisen, Nandex i tok.

Em i mekim dispela toktok taim em i kisim K10, 000 sponsasip i kam long Tawap Kamen Investment (TKI).

"Mipela i bilip long Stanley na dispela spot na mipela i givim liklik helpim tasol mipela i laik moa sapat i mas i go long kain asosiesen olsem PNG kikkoksing asosiesen," David K. Atterwell i tok.

Nandex i tok sampela ovasis kikkoksa bilong Australia na Nu Silan (New Zealand) tu bai stap insait long PNG tim long Disemba.

20-0 em i no skoa wanpela man o meri save laik lukim i kamap long tim bilong ol long gren fainol bilong wanpela spot, tasol dispela em skoa New Guinea Energy University Piggies i givim long NCS Defence long Pot Mosbi ragbi yunion las wik Sarere.

Dispela win i lukim ol Piggies i winim namba tu primiasip bilong ol insait long tupela yia.

Defence i kam insait long gem wantaim planti paia na smok i karamapim fil tu taim ol i ron i kam insait na long namel bilong namba wan hap bilong gem wanpela balus bilong PNG Difens Fos i palai go antap long ol gol pos, i go antap long fil na i go.

Tasol dispela smok i no pasim ai bilong ol Piggies na pairap bilong balus tu i no pretim ol we i lukim ol i putim tripela trai insait long namba wan hap bilong gem yet.

Namba wan trai bilong ol i kam 5-pela minit bihain long gem i stat na bihain ol arapela i no westim taim long kamap.

Namba 4 trai bilong Piggies i kamap klostu long ful taim na Defence i nogat moa tok.

Piggies kisim bek taitol



KISIM BAL: Ol Uni Piggies pilaia i kisim bal long wanpela Defence pilaia bihain long ol i takolim em long gren fainol gem bilong ol las wik Sarere.

Poto: Andrew Molen

SPOT RAUN wantaim



SCOTT VAVINE ML

Redim ol samting bilong 2007 PNG Gems

Olgeta provins nau i mas kisim pinis olgeta toksave bilong wanem samting bai kamap long PNG Gems.

Bihain long ol i kisim dispela ol toksave, ol i mas kamapim ogenaising komiti bilong ol yet long mekim ol samting ol i askim long en.

Wanpela bikpela samting ol provins i ken mekim em long bihainim o mekim ol samting ogenaising komiti bilong PNG Gems i askim ol long en.

Ol lain husat i stap insait long ol dispela komiti tu i mas i gat save long mekim dispela kain wok na tu lukim olsem olgeta tim i makim wan wan provins i mas bungim olgeta askim bilong gems komiti.

Dispela ogenaising komiti bilong gem em i no wankain olsem komiti bilong ples we gem bai kamap long en na wok na ol samting ol i was long en tu long gem em i no wankain.

Wanem samting mi wok long toktok long en nau em long ol wan wan provins long wanem samting ol i ken mekim long redim ol yet long go long dispela gem we narapela provins bai holim, we nau yet em Morobe Provins.

Ol memba bilong ogenaising komiti mas i kam long wanwan spots insait long provins. Siaman bilong komiti em i mas wanpela man husat i gat planti save na eksperiens long ronim kain samting olsem.


I mas i gat rekot bilong olgeta samting olgeta komiti na memba bilong en long lukim na bihainim. Dispela ol rekot i mas soim wanem samting wan wan i mas mekim. Sampela bilong ol dispela samting em;

- Lukluk long stretim rot o wokabaut bilong tim i go long gem
- Kamapim baset we i lukluk long ol bikpela samting komiti mas putim mani long en long helpim tim long gem
- Stap bilong ol pilaia na kaikai bilong ol
- Rejistresen bilong tim na ol pilaia
- Marasin na ol arapela medikol samting long lukautim ol pilaia sapos ol i sik o kisim bagarap
- Yunifom
- Insurens o was bilong ol pilaia olsem kompensesen sapos ol i kisim bagarap o bungim hevi
- Sponsasip na fanresing.

Dispela em sampela tasol we ogenaising komiti mas lukluk long en nau.

Tingim, olsem mi tok pinis, sapos yu lukluk gut long ol samting mi tok antap bai yu lukim olsem taim em i wanpela bikpela samting long helpim yu stretim na redim wan wan pilaia na tim bipo yu go long pilai.

Juni kisim mekimsave



KISIM MEKIM-SAVE: Juni sanap lukluk long Komonwelt Gems las yia. Fail Poto

PETER Juni bai no inap pinisim gem bilong em long Saut Pasifik Gems bihain long em i kisim mekimsave long menesmen bilong Tim PNG.

Ripot i kam long Apia long Tunde dispela wik (Trinde, PNG taim) i tok Juni kisim dispela mekimsave bihain long ol i painim aut olsem em i dring bia long taim bilong gem.

"Chef de Mission" o meri go pas long Tim PNG, Tamzin Wardley i tok; "Mipela i sori long givim kain mekimsave tasol olgeta memba bilong Tim PNG i save long dispela lo we i lukautim ol long hap."

Juni husat i winim pinis gol medol bilong lon bols long dabols i wok long stap insait long namba 5 raun bilong singols resis taim ol i painim aut olsem em i dring na pilai.

Dispela mekimsave bai lukim em i no inap pinisim dispela raun na tu bai em i no inap stap

insait long resis moa insait long dispela gem.

Juni klostu tru i bin winim wanpela medol long Komonwelt Gems long Australia long 2006 na i wanpela strongpela pilaia long dispela tonamen na mekimsave bilong em i bikpela samting long tim.

Wardley i tok ol i toktok wantaim tim menesmen bilong Juni na ol i toksave tu long PNG lon bols asosiesen bilong ol man olsem Juni no stap moa insait long resis.

"Wok long rausim wanpela etlit long pilai em i bikpela na hatpela samting tru long mekim tasol ol lo i stap bilong olgeta, na taim yu raun wantaim kain bikpela tim tru olsem, olgeta i mas bihainim dispela ol lo," Wardley i tok.

Tasol mi no laik bai dispela mekimsave bilong Juni i daunim ol arapela long gem bilong ol tete, em i tok.

Rot bilong masol man Kaiwi stret pinis Bai husat nau, Guria o Muruks?

BIPO Mista PNG, Donald Kaiwi bai go taitim masol bilong em long Mista Olimpia Netserel Bodibilding sempionsips long Gris (Greece) na Airways Hotel i go pas long wok-about bilong em.

Kaiwi, biknem bodi bilda bilong PNG stat long redim em yet long namba wan hap bilong dispela yia i kam na nau tasol em i pinisim wok

redi long kisim ol gutpela kaikai na em bai go insait ful trening bilong em nau.

Airways Hotel i givim tiket bilong Kaiwi long go long Gris tete long Mosbi.

Kaiwi wok long yusim tu ol masin na ples bilong trening long Airways Hotel long redim em yet long dispela bikpela gem.

I kam long pes 28

Jessie Alunga bilong Gurias na Stanley Hondina bilong Muruks bai kamapim planti hevi bilong ol birua bilong ol sapos ol i ronim planti bal i go long ol bikpela fowet long difens na mekim ol i tait long takol.

Dispela bai givim spes long ol beklain i ken ron.

Alunga na Hondina i gat eksperiens long SP Kap gren fainol na tupela i ken ronim gem gut long namel.

Namel long dispela tupela man, Hondina i gat moa eksperiens we em i pilai long 2005 wantaim Bulldogs agensim Guria na long 2006 wantaim

Muruks agensim Lahanis.

Ol Muruks i bin winim 2006 taitol na dispela em i sans bilong ol long winim bek namba tu taim insait long tupela yia.

Tasol ol Gurias husat i bin winim long 2005 ino inap givim gem isi.

Muruks i no statim 2007 sisen bilong ol gut we i lukim ol i lusim 4-pela gem bilong ol bipo ol i kisim namba wan win bilong ol.

Ol Gurias tu i paia isi long sait tasol tupela tim i kamap ples klia long fainols resis na dispela Sande bai ol i pinisim ron bilong ol long Lloyd Robson oval long Mosbi.

LAE BISCUIT CO.

WANTOK

SPORTS

LAE BISCUIT CO.

Isu 1728

Wan wik: Fonde Septemba 06-12, 2007.

Husat nau, Guria o Muruks



Andrew Molen i raitim

DISPELA Sande bai Papua Niugini painim aut husat em i SP kap sempion bilong 2007.

Na tupela laspela tim long kamapim dispela salens em Mabey and Johnson Muruks bilong Mendi na Armark Gurias bilong Rabaul.

Tupela tim wantaim i winim SP kap gren

fainol pinis taim dispela kompetisen i kam bek na i gat ol eksperiens pilaia bilong dispela kain bikpela gem tu.

Muruks bai paitl ong kisim bek taitol ol i winim las yia na Gurias bai laik kamapim gutpela win ol i bin mekim long 2005.

Tupela tim wantaim i gat ol gutpela fowet na planti spit man long beklain olsem na eria bilong gem we bai mekim wanpela tim i win em long ol hap bek na dami hap.

Jessie Alunga bilong Gurias na Stanley Hondina bilong Muruks bai kamapim planti hevi bilong ol birua bilong ol sapos ol i ronim planti bal i go long ol bikpela fowet long difens na mekim ol i tait long takol.

Disela bai givim spes long ol beklain i ken ron.

i go moa long pes 27...



PNG em king bilong sofbol

PES: Dick Bart Junior, bilong Papua Niugini sofbol tim bilong ol man i lukluk long wanpela gem bilong ol long Apia, Samoa long XIII (13) Saut Pasifik gems. Sofbol tim tu i winim gol medol las wik agensim American Samoa las wik Fraide. Tim bilong ol meri tu i winim meri tim bilong American Samoa. Dispela win i mekim PNG i kisim gol medol long tuepla divisen wantaim na i kamap olsem King na Kwin bilong sofbol insait long Pasifik. Long gem bilong ol meri, PNG win 2-1 na long ol man PNG kilim American Samoa i dai 9-1. *I go moa long Pes 26 wantaim ol arapela Pasifik gems stori na poto.*

POTO: Jason Pini.

Namba wan grup bilong tim PNG i kam bek. PES 27. ■ Piggies kisim namba tu primiasip taitol. PES 27. ■ Fainols resis bilong NRL bai stat dispela wiken. PES 25.

TOKSAVE IKAM LONG



Mipela bai lukautim insurens wari bilong

- Haus na samting insait long haus
- Kar na PMV wantaim
- Bisnis (liklik na bikpela wantaim)

Mipela bai stretim olgeta insurens wari bilong yu

Lukim mipela nao



Richard Kasman
General Manager



Wayne Gembol
Chief Underwriter

or go lukim Insurens Broka bilong yu

Level 3 Pacific Place, Cnr Musgrave Street & Champion Parade
PO Box 1383, Port Moresby Telephone: (675) 321 0127 / 321 1263 Fax: (675) 321 1386 Email: rkasman@inspacpng.com.pg